


9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9



C40-4514

翁上庭靖大藏及
家書風武州紫雲山
我微笑塔院直府中永
為學者不敢許出院內
當山二世鐵牛機謹誌



B 64853

970123456789160123456789150123456789

皇圖鞏固 帝道遐昌
佛日增輝 空輪常轉



禪宗頌古聯珠通集序

前集賢待制承事郎馮子振撰

禪宗頌古聯珠者錢唐沙門普會演寶鑑師法應所編從上古德直指之聲欸也其機緣每一則續已有補未有因壽之板以喚禪客一日似爭第一帙斬小序閱將竟則爲之稱讚曰此勝自在耶此具足如意摩尼耶此會師所爲聯珠果象因親得之赤水者耶異時西域橐裝咸陽晞價之賈髯高鼻碧瞳而之列肆雙肘擎戴端的卽是非是則荆山之璞投之瞎砌病足再別何有灑血抱泣以相明或謂遊吾園者睹

須曼花登覺地者證菴羅果彼花不待根撥而留領
果不待枚舉而髓味謂之實悟實參假泛而覽暫而
嘗倉卒莫辨其爲何者決定則亦尋常孟浪之布穢
青行纏耳吾謂智有利鈍故解有疾遲見有淺深故
思有工拙譬之天涯芳草王孫經日共知風光流轉
不涉藜沙特於芊綿錯雜之叢獨能望而名其爲全
爲衡爲芷爲茝斯則名爲六合一辭若之真賞識不
然鼻端普嗅種種清芬膚頰小差終未是離騷注脚
下具眼本色雖然掩舌摩竭分別相空杜口毗耶言
語道斷尊者無說我乃無聞他日禪林覲面相呈文

手付與家珍回首密在汝邊衲衣下一抖擞滿傾僧
寶人人滄海珠矣奚聯之云書以爲序

前補外文卷一百一十五

禪宗頌古聯珠通集序

夫鼻祖西來不立文字直指而已時門人又有所謂不執文字不離文字而爲道用已向第二機矣故有汝得吾皮之記道不在言也審矣子以爲何如曰非也道雖不在於言言而當終日言於道庸何傷否則一語猶以爲贅也爰自一華敷而五葉聯芳六世傳而兩派支衍機緣公案五燈燁如諸祖相繼有拈古焉有頌古焉拈古則見之於八方珠玉類要等集頌古則有寶鑑大師宋淳熙間居池陽報恩採集佛祖至茶陵機緣凡三百二十有五則頌古宗師一百二
十有二人頌二千一百首目之曰禪宗頌古聯珠叢林尚之而板將漫滅因念淳熙至今垂二百載其間負大名尊宿星布林立頌古亦不下先哲惜乎聯繼之作闕如也每慚濫廁宗門且有年矣禪無所悟道無所詣欲作之復止之趑趄者亦屢矣元貞乙未叨尸義烏普濟山院事簡輒事續彙僅得一二萍梗之踪或出或處隨見隨筆廿三四年間稍成次序機緣先有者頌則續之未有者增之加機緣又四百九十九三則宗師四百二十六人頌三千丹五十首題曰禪宗頌古聯珠通集將募板行與後學共惑者曰道

不在是枯華微笑三拜得髓初無一語與之而昭昭
於心目之間道播無垠烏有如今日叶音韻事言句
簧鼓後人俾其棄本逐末誠可歎哉予笑而不答良
久乃歌曰五雲影裏神僊現手把紅羅扇遮面急須
著眼看僊人莫看僊人手中扇已而謂之曰子所論
者手中扇也予所集者果在扇邪噫知我罪我其惟
此集乎昔延祐戊午六月旦前住紹興路天衣萬壽
禪寺錢唐沙門普會自序

重刻禪宗頌古聯珠通集序

佛祖葛藤水浸不爛火燒不壞枝聯蔓衍流布無窮
禪宗頌古聯珠通集者魯菴會公集成鋟梓行世久
矣近以他故其板散落人間洪武己巳夏余慮其亾
失託道友收贖皮藏於大慈山之幻居實六月廿八
日也明日舊置板處火作風烈燎及千數百家吁斯
亦異矣然佛祖葛藤其果靈驗如此耶抑神物護持
而致然耶敬捐衣資命工補完用廣流通永延慧命
因書其得板所由之異庸識歲月云

洪武壬申春二月中天竺住山沙門淨戒識

禪宗頌古聯珠舊序

寧武軍承宣使提舉隆興府玉隆萬壽宮

武功郡開國侯張倫撰

西方聖人爲一大事因緣故出現於世後以正法眼藏付囑迦葉傳至二十七世而達磨入于中夏設大法藥開甘露門直接上根不立文字逮今六百餘年獲菩提者不可勝數雖其心以無傳而傳其法以無說而說然機緣偶頌前後寢多玉句金章公案具在池州報恩寶鑑大師法應嘗因禪悅餘暇裒集採摭由佛世尊以至古今宗師凡得機緣三百二十五則

頌古一百二十二人目之禪宗頌古聯珠集可謂毗盧藏內全收衆珍旃檀林中莫非香木開悟知見利益後來鋟木流通豈曰小補以予夙慕宗乘樂推法施請爲序引不獲固辭淳熙歲在屠維大淵獻冬十月序

宋浙臘贈恩光寺禪寺惠崇寶鑑大師去

禪宗頌古聯珠舊序

禪宗頌古聯珠舊集本序

宋池州報恩光孝禪寺傳法寶鑑大師法應

述

灤應自昔南遊訪道禪獎之暇集諸頌古咨參知識隨所聞持同學討論去取校定三十餘年採摭機緣三百廿五則頌二千一百首宗師一百廿二人編排成帙命名禪宗頌古聯珠集願與天下學般若菩薩共之雖佛祖不傳之妙不可得而名言初無字書安有密語臨機直指更不覆藏徹見當人本來面目故諸佛以一大事因緣出現於世譬喻言詞說法開示

欲令衆生悟佛知見豈徒然哉池陽信士袁金刻板以廣見聞爲大法光明之施淳熙二年乙未臘八日編次謹書

卷之二

品目

本舛

重校

顯業

千秋

顯業

釋宗良古經本義目錄

卷之二

禪宗頌古聯珠通集目錄

卷第一

通集敘

鴻子振撰

通集敘

普會撰

重刻敘

淨戒撰

舊敘

張倫撰

本敘

法應撰

品目

卷第二

世尊機緣

佛世尊

廿四則

卷第三

菩薩機緣

廿四則

菩薩機緣

文殊師利

四則

舍利弗

二則

賓頭盧

一則

殃崖摩羅

二則

那吒太子

一則

七賢聖女

一則

城東老姥

一則

善慧大士

七則

卷第四

菩薩機緣之餘

布袋和尚

一則

跋陀尊者

一則

維摩居士

一則

善財菩薩

五則

天台智者

一則

誌公和尚

二則

大乘經偈

經題六字

首楞嚴經

十七則

大乘經偈之餘

圓覺經

十則

灑華經

九則

文殊般若經

一則

維摩經

五則

金剛般若經

十一則

華嚴經

六則

楞伽經

一則

般若心經

一則

卷第六

祖師機緣

西天諸祖

初祖迦葉尊者

二則

九祖伏馱蜜多

一則

十祖脇尊者

一則

十四祖龍樹大士

一則

廿四祖師子尊者

一則

廿七祖般若多羅

一則

東土諸祖

初祖達磨大師

六則

卷第七

祖師機緣

東土諸祖

二祖慧可大師

一則

三祖僧璨大師

一則

四祖道信大師 一則

五祖弘忍大師 一則

東六祖慧能大師 五則

祖師機緣

東土菊出諸祖

初祖東波羅提尊者 一則

四祖牛頭法融禪師 一則

鶴林玄素禪師 一則

五祖徑山國一禪師 二則

鳥窠道林禪師 二則

六祖蒙山道明禪師 一則

破龜墮和尚 二則

七祖河北智隍禪師 一則

西京慧忠國師 十一則

永嘉玄覺禪師 一則

卷第九

祖師機緣

六祖下第一世

南嶽懷讓禪師 四則

清源行思禪師 六則

六祖下第二世 南嶽下第一世

馬祖道一禪師 九則

六祖下第二世 清源下第一世

石頭希遷禪師 三則

北宗

終南惟政禪師

一則

卷第十

祖師機緣

六祖下第三世之一

南嶽下第二世之一

百丈懷海禪師

九則

南泉普願禪師

五則

卷第十一

祖師機緣

六祖下第三世之二

南嶽下第二世之二

南泉禪師之餘

廿二則

鹽官齊安國師

三則

歸宗智常禪師

七則

韶州乳源禪師

一則

卷第十二

祖師機緣

六祖下第三世之三

南嶽下第二世之三

大梅法常禪師

四則

五洩靈默禪師

一則

盤山寶積禪師

七則

水潦和尚

二則

六麻谷寶徹禪師

四則

東寺如會禪師

二則

西堂智藏禪師

一則

大珠慧海禪師

三則

卷百丈惟政禪師

二則

泐潭法會禪師

一則

杉山智堅禪師

一則

石葦慧藏禪師

一則

970 1 2 3 4 5 6 7 8 9 100 1 2 3 4 5 6 7 8 9 100

朗州中邑和尚 二則

卷第十三

祖師機緣

六祖下第三世之四

南嶽下第二世之四

泐潭常興禪師

一則

汾州無業國師

二則

鶩湖大義禪師

一則

三角總印禪師

三則

魯祖寶雲禪師

二則

紫玉道通禪師

二則

五臺隱峯禪師

二則

馬頭神藏禪師

一則

卷萃林善覺禪師

一則

烏臼和尚

二則

石臼和尚

二則

本溪和尚

二則

西山亮座主

一則

金牛和尚

一則

崧山和尚

二則

則川和尚

三則

忻州打地和尚

一則

江西桺樹和尚

五則

石林和尚

一則

潭州秀谿和尚

一則

浮杯和尚

一則

潭州龍山和尚

一則

卷第十四

長沙

祖師機緣

南嶽下第二世之餘

六祖下第三世之五

南嶽下第二世之餘

卷襄州龐蘊居士

十四則

六祖下第三世之六

清源下第二世之一

大藥山惟儼禪師十四則 丹霞天然禪師六則

卷第十五

祖師機緣

清源下第二世之餘

六祖下第三世之餘

大顛寶通禪師三則

南獄下前第三世之一

六祖下第四世之一

法門佛陀禪師一則

南獄下前第三世之一

大同普濟禪師四則

廿五則

長髭曠禪師三則

南獄下前第三世之一

卷第十六

祖師機緣

金牛味尚

六祖下第四世之二

南獄下前第三世之二

黃蘖希運禪師六則

二則

大慈寰中禪師二則

平田普岸禪師二則

一則

長沙景岑禪師九則

子湖利蹤禪師二則

一則

鄂州茱萸和尚二則

白馬曇照禪師一則

一則

雲際師祖禪師一則

陸亘大夫五則

一則

翠微無量禪師一則

卷第十七

藥山高心禪二則

祖師機緣

百丈懷海禪一則

六祖下第四世之三

南獄下前第三世之餘

甘贊行者

二則

文部

六祖下第四世之四

清源下第三世

龍潭崇信禪師

二則

道吾宗智禪師

六則

雲巖曇冕禪師

七則

百巖明哲禪師

一則

船子德誠禪師

二則

藥山高沙彌

二則

刺史李翹居士

一則

翠微無學禪師

一則

孝義性空禪師

一則

僊天禪師

二則

馬頰本空禪師

一則

三平義忠禪師

一則

卷第十八

南嶽下後第三世之一

六祖下第四世之五

南嶽下後第三世之一

祖師機緣

趙州從諗禪師

二十

卷第十九

祖師機緣

卷第二十

六祖下第四世之六

南嶽下後第三世之二

趙州禪師之二

廿五

祖師機緣

南嶽下後第三世之三

六祖下第四世之七

南嶽下後第三世之三

趙州禪師之餘

廿四

芙蓉靈訓禪師

二則

五臺智通禪師

一則

鎮州普化和尚

六則

祖師機緣

南獄下前第四世之餘

六祖下第四世之餘

南獄下後第三世之餘

臨濟五臺祕魔和尚

一則

湖南祇林和尚

一則

卷之二十二

南獄下前第四世之二

六祖下第五世之一

南獄下後第三世之二

臨濟義玄禪師

一則

祖師機緣

六祖下第五世之二

南獄下前第四世之二

睦州陳尊宿

十七則

烏石靈觀禪師

四則

相國裴休居士

四則

新興嚴陽尊者

一則

杭州多福和尚

一則

興化石梯禪師

一則

大隨法真禪師

六則

靈樹如敏禪師

二則

漳州浮石禪師

一則

卷之二十三

南獄下前第四世之二

祖師機緣

六祖下第五世之三

南獄下前第四世之餘

靈雲志勤禪師

五則

金華俱胝和尚

二則

末山尼了然禪師

一則

六祖下第五世之四

清源下第四世之一

德山宣鑒禪師十四則

卷第二十四

祖師機緣

六祖下第五世之五

清源下第四世之一

洞山良介禪師廿六則

神山僧密禪師三則

石窟慶諸禪師六則

漸源仲興禪師一則

夾山善會禪師十則

卷第二十五

祖師機緣

六祖下第五世之六

清源下第四世之一

清平令遵禪師二則

投子大同禪師十九則

六祖下第五世之七

南嶽下後第四世之一

仰山慧寂禪師廿二則

香嚴智閑禪師五則

卷第二十六

祖師機緣

六祖下第五世之餘

南嶽下後第四世之一

京兆府米和尚二則

王敬初常侍三則

三角法遇菴主一則

南嶽下第五世之一

六祖下第六世之一

南嶽下第五世之一

臨濟六興化存獎禪師八則 寶壽沼禪師六則

三聖慧然禪師三則 魏府大覺和尚二則

灌溪志閒禪師二則 定州善崔禪師一則

襄州歷村和尚一則

虎溪菴王一則

桐峯菴主一則

滄州米倉禪師一則

參雲山和尚一則

刺史陳操尚書二則

香齋晉閑禪師二則

卷第二十七世子

祖師機緣

六祖下第六世之二

南嶽下第五世之餘

霍山景通禪師二則

南塔光湧禪師二則

無著文喜禪師三則

六祖下第六世之三

清源下第五世之四

大光居誨禪師一則

九峯道虔禪師十則

鳳翔石柱禪師正則

湧泉景欣禪師二則

雲蓋志元禪師一則

覆船洪薦禪師一則

張拙秀才一則

洛浦元安禪師十二則

卷第二十八

祖師機緣

六祖下第六世之四

清源下第五世之二

大韶山寰普禪師

五則 天蓋山幽禪師

太原海湖禪師

一則

參巖頭全歲禪師

十三則

卷第二十九

祖師機緣

六祖下第六世之五

清源下第五世之三

雪峯禪師之餘

十一則

高亭簡禪師

一則

曹

六雲居道膺禪師

三則

曹山本寂禪師

十一則

卷第三十

祖師機緣

六祖下第七世之一

清源下第六世之一

龍牙居遁禪師

八則

踰山匡仁禪師

十二則

洞

越州乾峯和尚

四則

欽山文邃禪師

三則

白水本仁禪師

十一則

天童咸啓禪師

二則

洞

京兆覲子和尚

一則

九峯普滿和尚

一則

六祖下第七世之二

則

幽棲道幽禪師

二則

六祖下第七世之三

則

南院慧顥禪師

五則

臨

卷第三十一

則

西宗思閻禪師

一則

祖師機緣

六祖下第七世之二

南嶽下第六世之餘

臨
濟
鎮州寶壽禪師

二則

西院思明禪師

一則

魯祖山教禪師

一則

資福如寶禪師

一則

芭蕉慧清禪師

二則

六祖下第七世之三

清源下第六世之二

瑞巖師彥禪師

一則

羅山道閒禪師

五則

玄沙師備禪師

十九則

天童方照禪師

一則

卷第三十二

清源下第六世之二

祖師機緣

六祖下第七世之四

清源下第六世之二

長慶慧稜禪師

七則

保福從展禪師

六則

鏡清道忿禪師

一則

鼓山神晏國師

三則

翠巖令叅禪師

一則

太原孚上座

四則

雲門

宗

文偃禪師

七則

同安下韻禪師

二則

祖師機緣

六祖下第七世之五

清源下第六世之三

雲門禪師之二

三十則

卷第三十四

祖師機緣

六祖下第七世之餘

清源下第六世之餘

雲門禪師之餘

廿五則

谷山有緣禪師

十一則

禾山無殷禪師

一則

同安常察禪師

四則

新羅泊嚴和尚

一則

新羅大嶺禪師

一則

杭州佛日和尚

一則

同安丕禪師

二則

朱谿謙禪師

二則

雲居道簡禪師

三則

歸宗懷惲禪師

一則

新羅雲住和尚

一則

荷玉光慧禪師

一則

育王弘通禪師

一則

金峯從志禪師

五則

曹山慧霞禪師

二則

黃蘖山慧禪師 一則 護國守澄禪師 五則
 報慈藏嶼禪師 一則 廣德延禪師 一則
 石門獻蘊禪師 一則 木平善道禪師 二則

卷第三十五

祖師機緣

六祖下第八世之一

臨濟

風穴延沼禪師 十二則 穎橋安禪師 二則

資福貞遠禪師 一則 芭蕉繼徹禪師 一則

六祖下第八世之二

清源下第七世

黃龍誨機禪師 一則 明招德謙禪師 二則

地藏桂琛禪師

二則

大龍智洪禪師

三則

白馬行靄禪師

一則

同安志禪師

二則

廣德義禪師

二則

廣德周禪師

一則

石門慧徹禪師

三則

太陽慧堅禪師

一則

德山緣密禪師

一則

巴陵顥鑑禪師

四則

般若啓柔禪師

一則

香林澄遠禪師

六則

卷第三十六

六祖下第八世之餘

南嶽下後第七世

祖師機緣

傳記

傳記

傳記

傳記

洞山守初禪師

四則

奉先深禪師

四則

薦福承古禪師

一則

雙峯竟欽禪師

一則

六祖下第九世之一

臨濟

首山省念禪師

九則

南嶽下第八世

六祖下第九世之二

清源下第八世之一

清源下第八世之一

法眼文益禪師

十四則

龍濟紹修禪師

四則

清谿洪進禪師

一則

龍濟紹修禪師

四則

卷第三十七

祖師機緣

法眼

六祖下第九世之餘

清源下第八世之餘

洞曹六梁山緣觀禪師四則雲頂德敷禪師一則

石門紹遠禪師一則

文殊應真禪師二則

五祖師戒禪師四則

蓮華峯祥菴主一則

六祖下第十世之一

南嶽下第九世

汾陽善昭禪師三則

葉縣歸省禪師一則

谷隱蘊聰禪師二則

廣慧元璉禪師一則

六祖下第十世之餘

清源下第九世

北禪智賢禪師二則

洞山曉聰禪師三則

雪竇重顯禪師十二則

雲蓋繼鵬禪師一則

天平從漪禪師一則

南嶽下第十世

太陽警玄禪師二則

南嶽下第十世

天台德韶國師二則

南嶽下第十世

報恩玄則禪師一則

南嶽下第十世

卷第三十八

南嶽下第十世

祖師機緣

南嶽下第十世

六祖下第十一世之一

南嶽下第十世

石霜慈明禪師十五則

南嶽下第十世

大愚守芝禪師二則

南嶽下第十世

法華全舉禪師三則

南嶽下第十世

大道谷泉禪師

一則

天聖皓泰禪師

一則

浮山法遠禪師

三則

內翰楊文公億

三則

六祖下第十一世之餘

雲居曉舜禪師

一則

玉泉承皓禪師

一則

天衣義懷禪師

七則

法昌倚遇禪師

一則

投子義青禪師

二則

永明延壽禪師

二則

眼

眼

九曲慶祥禪師

一則

上方遇安禪師

一則

六祖下第十二世之一

南嶽下第十一世之一

黃龍慧南禪師

一則

卷第三十九

祖師機緣

大藏山大藏禪師

一則

六祖下第十二世之二

南嶽下第十一世之餘

黃龍禪師之餘

四則

楊歧方會禪師

十則

六祖下第十二世之餘

清源下第十一世之餘

芙蓉道楷禪師

四則

六祖下第十三世

金剛智

黃龍祖心禪師

二則

白雲守端禪師

五則

保寧仁勇禪師

二則

比部孫居士

一則

六祖下第十四世

南嶽下第十三世

五祖法演禪師 十則 兜率從悅禪師 一則

法雲杲禪師 一則

六祖下第十五世

南嶽下第十四世

昭覺圓悟禪師 二則

太平佛鑑禪師 一則

龍門佛眼禪師 一則

金陵俞道婆 一則

祖師機緣

六祖下第十六世

南嶽下第十五世

虎丘紹隆禪師 一則

徑山大慧禪師 三則

正堂鼎辯禪師 一則

大鴻月菴禪師 一則

六祖下第十七世

南嶽下第十六世

天童應菴禪師 二則

育王佛照禪師 二則

水菴師一禪師 一則

南嶽下第十七世

六祖下第十八世

南嶽下第十八世

彥充肯堂禪師 一則

密菴咸傑禪師 一則

伊菴有權禪師 一則

焦山或菴禪師 一則

六祖下第十九世

南嶽下第十八世

松源崇獄禪師 四則

南嶽下第十九世

六祖下第二十世

南嶽下第二十世

天目文禮禪師 一則

荆叟珏禪師 一則

六祖下第二十一世

南嶽下第二十一世

臨濟六石溪心月禪師

一則

虛堂智愚禪師

一則

未詳承嗣

樓子和尚

一則

杜順和尚

一則

月氏國王

一則

西天外道

一則

老宿

一則

茶陵郁山主

一則

二菴主

一則

古德

五則

末太宗皇帝

四則

錢塘鎮使

一則

頌古通集目錄卷第

二
江聲可震對徐普書萬鍊刻

頌古通集目錄第一卷總
萬曆丙申季秋徑山寺藏

禪宗頌古聯珠通集卷第二

宋池州報恩光孝禪寺沙門法應集

元紹興天衣萬壽禪寺沙門普會續集

世尊機緣

釋迦牟尼世尊初降生一手指天一手指地周

行七步目顧四方云天上天下唯吾獨尊後雲

門云我當時若見一棒打殺與狗子喫貴圖天

下太平 邶耶覺云可謂將此深心奉塵刹是

則名爲報佛恩 頌曰

四月八佛降生日指天指地稱第一九龍噴水沐金

軀摩訶般若波羅蜜

洞山聰

指天指地語琅琅送語傳言出畫堂使者尚能多意

氣主人應是不尋常

泉大道

寶殿龍樓忽降時周行七步豁雙眉開言不是無謙
遜天上人間更有誰

野軒譚

開基剏業前王事端拱持盈後帝心劖戟盡爲農器
用此時誰報太平音

佛印元

纔降王宮示本然周行七步又重宣指天指地無人
會獨震雷音徧大千

海印信

混沌未分人未曉乾坤纔剖事全彰天生伎倆能奇

怪末上輸他弄一場

保寧勇

七步周行手指天衲僧棒下命難全母胎出後成何
事爭似閻浮未降前

張無盡

周行七步便稱尊家醜邢堪放出門只向母胎度人
畢也須一棒一條痕

長靈卓

纔生能步便英靈天上人間我獨尊可笑瞻前不顧
後那知身後有雲門

慈受深

一火鑄成金彈子團圓都不費鉗鉗拈來萬仞峯頭
放打落天邊白鳳兒

無憂樹下誕金身七步周行事斬新相見謂言侵早

起誰知更有夜行人

南華昇

老胡不免出胞胎也解人前恁麼來指地指天稱第一衆生四十九年灾

鼓山珪

老漢纔生便著忙周行七步似顛狂賺他無限癡男女開眼堂堂入鑊湯

徑山果

兜羅綿手指天地紺目重瞳顧四維七步周行渾屬我一生賚弄小孩兒

佛燈狗

黑白未分全體妙纔彰文彩便成乖因茲漏泄家風甚末代兒孫鼻孔喝

月菴果

纔出胞胎便逸羣周行七步獨稱尊當時若見雲門

老不到如今累子孫

跋山如

續收老胡種種空意氣一手指天兼指地當時盡謂獨稱尊今日翻思誰不是人人盡在光明裏臨文不用更加諱

育王達

千年石扇產麒麟一角通身五彩明金鎖玉關渾掣斷毗盧界內鼓煙塵

雪竇宗

美如西子離金闕嬌似楊妃下玉樓猶把琵琶半遮面不令人見轉風流

佛鑑勸

毗嵐園裏認嘉聲分手徒勞布惡名決是一文偷不得至今虛作不良人

瞎堂遠

五天一隻蓬蒿箭攬動支那百萬兵不得雲門行正
令幾乎錯認定盤星

石窓恭

周行四顧獨稱尊平地無風起浪痕禍及私門猶自
可誰知千古累兒孫

賴菴

掀翻地軸乾坤窄撥轉天輪宇宙寬須向強中呈好
手虛空打碎劫初看

正堂辨

奴兒婢子十生九死於裏不正被外邊使縱饒開口
便過頭未免渾身輒泥水

月堂昌

無憂樹下浴嬰孩清曉薔薇帶露開轉過衲僧相見
處後槽驢馬出胞胎

天童淨

草木無端拈出來更加註腳轉癡呆西天此土誰知
已夜半優曇火裏開

應菴

體

走出門風相副稱東西南北更無人看來不得韶陽

老未免兒孫惹客塵

或菴

指天指地無處回避瞿曇瞿曇討甚巴鼻

月林觀

自謂五更侵早起誰知更有夜行人條風塊雨非云
昔堯舜垂衣萬國賓

運菴嚴

未曾撞入摩耶腹兩手知他甚處安右脅出來魔境
現只堪惆悵不堪看

天目禮

一聲哇地便吒哩突出如斯大闡提此土西天起殃

970-1-2-3-4-5-6-7-8-9-10-11-12-13-14-15-16-17-18-19-20

害堂堂洗土不成泥

此禰簡

七步周行猶彷彿指天指地不分明是非既落傍人耳洗到驢年也不清

虛堂愚

兩手指天地周行步更多可憐黃面老螃蟹落湯鍋

四嚴惠

生來自恨錯同條鐵鑄心肝也合銷還你獨尊三界內奈何今日又明朝

覺菴真

僧問九峯虔云承聞和尚有言諸聖間出祇是傳語人是否師曰是曰世尊一手指天一手指草木地云天上天下唯吾獨尊和尚爲甚麼却喚作

傳語人師曰祇爲一手指天一手指地所以喚作傳語人 頌曰

妙相圓明不可親奴兒婢子自殷勤指天指地稱尊

大也是傳言送語人

丹霞淳

世尊未離兜率已降王宮未出母胎度人已畢

頌曰

大象本無形至虛包萬有末後已太過面南看北斗王宮兜率度生出胎始終一貫初無去來掃蹤滅跡除根蒂火裏蓮華處處開是非海裏橫身入豺虎羣中自在行莫把是非來辨

我平生穿鑿不相干

鼓山珪

利刃有蜜不須舐蠱毒之家水莫嘗不舐不嘗俱不

犯端然衣錦自還鄉

徑山果

未離兜率降王宮便就刀山入鑊湯等閑擒下白枯
賊滿眼俱爲敗露贓

徑山遠

垂鈞不似迷津客張網誠非待兔人半夜烏雞何處

去天明吞却玉麒麟

正堂辨

肌骨當初赤窮面皮今日厚千重擦頭搭尾應更

點羸賽闍黎齋後鍾

該菴體

增收世尊初於臘月八日明星出時忽云奇哉一切

衆生具有如來智慧德相但以妄想執著不能

證得

頌曰

瞿曇失却眼睛時雪裏梅華只一枝而今到處生荆

棘却笑春風惱亂吹

晦堂心

黃面瞿曇不丈夫明星現處自塗糊如今好覓生蛇
弄免使兒孫在半途

佛心才

一見明星夢便回千年桃核長青梅雖然不是調羹
味曾與將軍止渴來

雪竇宗

出得山來早是遲却於世上討便宜直饒一念超三
界好與拳頭劈面椎

佛照光

此老從來謾自誇無端病眼見空華直教當下超三
際檢點將來未到家

無用全

六年落草野狐精跳出渾身是葛藤打失眼睛無處
覓誑人剛道悟明星

天童淨

二千年前黃面老舉頭莫是見明星茫茫宇宙人無
數幾個男兒眼有睛

肯堂充

雪嶺崎嶇歲月深何曾夜半見明星可憐業識茫茫
者蹉過如來正法輪

妙峯善

夜半明星出現時分外喪盡目前機若言總具如來
相也是空拳誑小兒

頑石空

六載隈藏在雪山灰頭土面白慚顏今朝忽覩明星
現始覺從前被眼瞞

鐵山仁

六載將身草裏埋當時有眼幾曾開果然見得明星
現未到門庭冷似灰

介石朋

雪嶺六年修苦行今朝打失主人公普天而地無尋
處百億分身是脫空

天目禮

正覺山前失眼睛是凡聖盡生旨至今夜夜明星
現誰肯向伊行處行

癡絕冲

明星見處月三更箇箇眉毛眼上橫平地起堆黃面
老夢中說夢可憐生

大歇謙

明星一見眼皮穿漢語胡言萬萬千暴富乞兒休說
夢誰家竈裡火無煙

無量星壽

金鍾夜擊九重城六載歸來改瘦形待得衆生心眼
活雪山依舊碧崚嶒

虛堂愚

輕金輪位重草座金彈換人泥彈丸末世衆生心眼
巧明星空照雪山寒

千峯璇

月滿長空星滿天瞿曇一見眼皮穿長安市上人無
數何似家家夜莫眠

千峯璇

世尊一日陞座大衆纏集定文殊白槌云諦觀
法王法法王法如是世尊便下座

頌曰

聲振大千龍扇伏無人解和法王才言下便明猶是
鈍頓教千眼一時開

明招謙

文殊白槌報衆知法王法令合如斯會中若有仙陀
客不待眉間毫相輝

北塔祚

列聖衆中作者知法王法令不如斯會中若有仙陀
客何必文殊下一槌

雪寶顥

百萬靈山似葦麻風行雲集已周遮當時不是文殊
老往往瞿曇更撒沙

佛印元

頭角麟龍衆若干當時一例受欺謾法王真子揮健
椎直至而今作笑端

未逃之前早二三白槌之後更那堪當時若有仙隨
客不到如今強指南

海印信

七佛之師下一槌鷺王成鴨鱉成龜滿筵龍象齊傾
耳咲殺靈山老古錐

野軒遺

巍巍頂相終難見舒卷何當如掣電彼時若有此時
人文殊槌下分鍼線

白雲端

諦觀法王法法王法如是玉輪影射珊瑚枝一陣清
風動天地

地藏恩

月在波心徹底寒澄澄應不許龍蟠五湖多少未歸
客却被傍人把釣竿

上方益

彌盧出海橫天外南北東西不見邊一幅素縑描不得競將天下與人傳

大漢逐

據坐凝眸語未形一槌直下意何明倒行此令如相
委無限清風動地生

夢金信

一段真風見也麼元元化母理機梭織成古錦含春
象無奈東君漏泄何

天童覺

一輪明月映天心四海生靈荷照臨何必西風撼丹
桂碧霄重送九秋音

佛鑑懃

法王法令若爲酬老倒文殊強出頭負累釋迦猶可
事至今千古鬧啾啾

龍門遠

銀蟾皎潔豈容模剛被文殊強塗糊千古兒孫無覓處三條椽下燭盧都

月菴果

續
金槌影動寶劍光寒百萬之衆齊著眼看瞿曇按指文殊據令漏泄天機一槌打正

楚安方
南華昌

正令付全提不存凡聖機牢關百雜碎石火電光

輝

乙無著總

古皇前化超羣檄無字印文明劃劃今時衲子若當陽往往半千成五百

正堂辨

法王法令沒周遮一片虛凝絕點瑕槌下不開諸聖眼幾多駢驥困鹽車

靈嚴安

見成活計莫周遮椎下分踈事轉差若是咬人師子何須牙上更安牙

月林觀

道泰時清才子貴家肥國富小兒嬌不因紫陌花開早爭見黃鸝下柳條

木菴永

世尊因五通仙人問云佛有六通我有五通如何是那一通世尊召仙人仙人應諾世尊曰那一通爾問我頌曰

仙人一問通皆備却是瞿曇一物無喚得鬼來依舊放幾多山鬼暗相呼

佛印元

那一通爾問我令人慚愧釋迦老只知步步踏紅蓮

不覺茫茫入荒草

正覺逸

無量劫來曾未遇如何不動到其中莫言佛法無多
子最苦瞿曇那一通

保寧勇

問佛如何那一通世尊當面指迷蹤祥雲密密微微
雨大震雷音市地風

雲溪恭

汝問如何此問親領梅江柳共芳春抱贊不用行搜
檢已自當堂露賊身

長靈卓

那一通你問我玄關倒掉無鬚鎖等閑一掣掣得

叫

斷橋倫

開三個老婆相對坐

叫

斷橋倫

那一通你問我口是禍門招因帶累慚愧慈悲大法

王丙乙离壬不屬火

寶葉源

世尊因外道問云不問有言不問無言世尊據
人夫坐外道讚曰世尊大慈大悲開我迷雲令我得
入作禮而去後阿難問佛外道有何所證而言
得入世尊曰如世良馬見鞭影而行 頌曰

鞭影分明指似君多聞瞽地爽精神汾陽報汝諸禪
侶信手拈來莫厭塵

機輪曾未轉轉必兩頭走明鏡忽臨臺當下知妍
媸分今迷雲開慈門何處生塵埃因思良馬窺鞭
影千里追風喚得回

汾陽昭

卷之三

公了耶耶道全集

卷之三

雙鋒費護兩俱摧迷雲從此豁然開收得劫初鈴子
後輕輕一振動雲雷

天衣懷

萬丈寒潭徹底清錦鱗夜靜向光行和竿一掣隨鉤

上水面茫茫散月明

白雲端

經過遇夜宿荒草開得眼來天大曉空心赤脚唱歌
歸路上行人已不少

特地殷勤問有無因風應不費工夫迷雲縱得開令
入未免區區在半途

淨照臻

雪覆喬林同一色清光上下含虛碧採樵人立渡頭
寒極目圓蟾爲誰白

成枯木

外道麤心慣險夷老胡鞭影露鍼錐行人拾得東門
兔誰管韓爐精力疲

長靈卓

世尊恰似青銅鏡掛向虛空秋月靜表裏無私照膽
寒高低一一皆相映

佛鑑勸

呆日連天照有無孰云善逝坐跏趺如今要見當年
事邪正由來在半途

龍門遠

有無不問語先憶明鏡當臺雙照破迷雲散盡曉天
空杲日團團紅焰火

露影藏身問世尊瞿曇一點不加文迷雲舒卷從斯
入十倍精神減八分

佛燈印

迷悟躅體前何勞更舉鞭只持雞狗戒不學祖師禪

鼓山桂

兩處牢關擊不通纖塵不動自乖宗忽然業鏡百雜碎黃面瞿曇失却蹤

徑山果

收續外道殷勤來問佛有言不問及無言大雄不費纖

毫力良馬何曾用舉鞭

照堂一

世尊隻眼通三界外道雙眸貫五天華意正濃桃臉笑春光不在柳梢邊

雪巒一

不問有言無言說甚見影見鞭露柱口掛壁上燈籠倒退三千

瞎堂遠

陷席機關兩處安湍流一截萬源乾駿駒瞥爾窺鞭影凜凜霜蹄毛骨寒

尼無著總

獵涉榮枯未是奇到頭誰是出家兒故鄉漠漠無消息時有孤雲嶺外歸

正堂辨

赤日輝空照大千佛魔俱盡頓超然悠悠莫論途中事露出胷襟子細看

大愚智

不問有無先話憶軒轅古鏡忽臨臺雖然當下分妍醜依舊迷雲撥不開

肯堂充

自把碌磚空裏擲必端自打自家頭灼然自痛自難說自著摩挲歸去休

不問無言及有言坐觀成敗自安然仙旆營爾知宗
墮誰謂世尊曾舉鞭

本覺一

收增世尊因外道問昨日說何法曰說定法又問今

日說何法曰說不定法

云云

頌曰

古鑑從來絕點痕隨其妍醜目前分而今鑑破無光
影風輶長江水色渾

塗毒策

昨日與今日說定說不定寰中天子敕塞外將軍令
外道當年入夢鄉直至如今猶未省

高安悟

昨日定今日不定正令已行皆逐正卓下靈山阜纛
旗百萬麾軍皆乞命

山堂淳

增

世尊因調達謗佛生身陷地獄佛敕阿難傳問

云汝在地獄中安否云我雖在地獄如三禪天

樂佛又令阿難傳問你還求出不云我待世尊

來便出阿難云佛是三界大師豈有入地獄分

云佛既無入地獄分我豈有出地獄分頌曰

好笑提婆達多入捺落十小劫波然得三禪妙樂吹

布毛須還鳥窠

湛堂集

大隱居廓小隱居山各得其所隨分安閑何必更來

論出入人生在處有餘歡

別峯雲

地獄天堂八字打開誰知無去亦無來若言已得三

禪樂未免將身自活埋

松源岳

萬仞崖頭拚得去不知何處覓全屍業風吹起再甦省卻問如今是甚時

增

虛堂愚

世尊因長爪梵志索論義預約云我義若憊我自斬首以謝世尊云汝義以何爲宗梵志云我義以一切不受爲宗世尊云是見受不志拂袖而去行至中路有省乃謂弟子云吾當回去斬首以謝世尊弟子云人天衆前幸當得勝何以斬首志云我寧於有智人前斬首不於無智人前得勝乃歎云我義兩處負憊是見若受負門

處麤是見不受負門處細一切人天二乘皆不知我義憊處唯有世尊諸大菩薩知我義憊回

至世尊前云我義兩處負憊故當斬首以謝世

尊云我法中無如是事汝當回心向道於是同五百徒衆一時投佛出家證阿羅漢 頌曰

是見若受破家門是見不受與誰論盪簷驕折兩頭

脫一毫頭上現乾坤

天衣懷

一切不受逞家風片言雙破兩頭攻赤旛奪了回光

處始信言前墮已宗

本覺

是見受時眼著脣見如不受事猶乖賊身已露徒回

首鬼面神頭一處埋

無用全

增
收

世尊因乾闥婆王奏樂其時山河大地盡作琴聲迦葉起舞王問迦葉豈不是阿羅漢諸漏已

盡何更有餘習世尊曰實無餘習莫謗法也王又撫琴三徧迦葉亦三度作舞王曰迦葉作舞

豈不是世尊曰實不曾作舞王曰世尊何得妄語世尊曰不妄語汝撫琴山河大地草木盡作

琴聲豈不是王曰是世尊曰迦葉亦復如是實不會作舞王乃信受修山主問澄源禪師乾

闥婆王奏樂直得須彌峯谷海水騰波迦葉作

舞作麼生會源曰迦葉過去世曾作樂人來習氣未除修曰須彌峯谷海水騰波又作麼生源

休去法眼代曰正是習氣頌曰

輕輕撥轉一條絃聲振三千與大千賴得飲光知密意肯將羅袖惹春煙

塗王書毋策

有三尺劍可以謁趙國無千里眼難以見懸絲魏巍堂堂三界大師

虛堂題

增
收世尊在忉利天爲母說法優填王思佛命匠雕

旃檀像及至世尊下來像亦出迎頌曰

紫金光聚照山河天上人間意氣多曾敕文殊領徒

衆毗耶城裏問維摩

虛堂愚

增世尊一日坐次見二人昇豬子過乃問這箇是甚麼其人云世尊具一切智豬子也不識世尊曰也要問過 頌曰

捨筏懷兼濟逢畊更問津卻將未歸意說與欲行人

木庵彙首座

世尊三喚三應乃云無爲真佛實在我身 大

收增鴻智云世尊爲誰家分上事又喝云汝等切忌

認著昭昭靈靈復頌曰

真佛無爲在我身三呼三應太惺惺若人不悟元由

者塵劫茫茫認識神

收增

世尊一日敕阿難食時將至汝入城持鉢難應

諾曰汝旣持鉢當依過去七佛儀式難遂問如

何是七佛儀式佛召阿難難應諾佛曰持鉢去密庵云大小世尊被阿難輕輕靠著未免喚

鍾作甕 頌曰

從前七佛儀式慶喜何曾欠少堪笑黃面瞿曇無端打箇之遶

收增

世尊因靈山會上有五百比丘得四禪定具五神通未得法忍以宿命智通各各自見過去殺

遜庵演

東京大学総合図書館所蔵

父害母及諸重罪心內懷疑於甚深法不能證入於是文殊承佛神力手握利劍持逼如來世尊謂文殊曰住住不應作逆勿得害吾吾必被害爲善被害文殊從本已來無有我人但以内心見有我人內心起時我必被害卽名爲害於是五百比丘自悟本心如夢如幻於夢幻中無有我人乃至能生所生父母於是五百比丘同聲讚歎曰文殊大智士深達法源底自手握利劍持逼如來身如劍佛亦爾一相無有二無相無所生是中云何殺
頌曰

爲渠中路惹埃塵致使全機截斷雲佛劍兩忘何處去還家曲調一番新

象田卿

佛祖由來總是冤電機旋處直如弦金毛若解和聲拶月裏麒麟笑揭天

瞎堂遠

文殊當日逼如來五百聲聞眼豁開欲會如來佛亦爾青蛇匣裏吼風雷

本覺一

增
收世尊敲觸體問耆婆生何道曰生人道又敲一
曰生何道曰生天又敲一耆婆曰
如來一擊少人知直下分明更是誰無限月光隨水
去片雲偏向故山歸

達摩策

老胡一擊許誰知大冶紅爐片雪飛青草塚間留不住白雲還望故山歸

曉堂遠

增世尊因地布髮掩泥獻華於然燈佛燈見布髮處遂約退衆乃指地云此一方地宜建一梵刹

時有賢于長者持標於指處插云建梵刹已竟

時諸天散花讚云庶子有大智矣

頌曰

百草頭上無邊春信手拈來用得親丈六金身功德

聚等閑擺手入紅塵塵中能作王化外自來賓觸處

生涯隨分足未嫌伎倆不如人

天童覺

一枝脩竹建精藍風捲雙暝入海南惡水潑來成第

二鈍根蹉過問前三

張無盡

增
收

世尊因廣額屠兒日殺千羊一日至世尊前颶

下屠刀云我是千佛一數世尊云如是如是

頌曰

昔日爲刀今日佛今朝爲佛佛能刀能刀能佛無差

別便見眉間白玉毫

圓悟勤

放下屠刀處棒打不回頭雲自帝鄉去水歸江漢流

退菴休
增
收

世尊因波斯匿王問勝義諦中有世俗諦否若言無智不應一若言有智不應二一二之義云

何世尊曰大王汝於過去龍光佛法中曾問此義我今無說汝今無聽無說無聽是名一義二義
頌曰

問處奇特答處殊絕一二義諦驪龍角折

無聽無說意無窮鐵壁銀山一線通何處是渠真聖

諦秋風昨夜到梧桐

東谷光

增收世尊昔至多子塔前命摩訶迦葉分座令坐以

僧伽黎圍之遂告云吾有正法眼藏密付於汝

汝當護持傳授將來母令斷絕
頌曰

密傳分半座正好覩面唾不與麼且放過子孫未免

遭殃禍

海印信

僧問興化多子塔前共談何事化曰一人傳虛
萬人傳實
頌曰

於道無所證方通萬法路或明或闇行不慎亦不謾
月來松色寒雲去青山露今古天台橋幾人能得度

投子青

世尊因黑齒梵志運神力以左右手擎合歡梧
桐樹兩株至靈山獻佛佛云梵志志應諾佛云
放下著志放下左手一株佛又云放下著志放
下右手一株佛又云放下著志云我兩手盡空

未審更放下個甚麼佛云吾非教汝放捨其華
汝當放下內六根外六塵中六識無一可捨是
你免生死處志忽然大悟 頌曰

梵志誰知有過愆閻王業鏡照無偏因茲見佛成羅
漢方信壺中別有天

南堂興

兩手擎來教放下空身立地更疑猜根塵識界無尋
處多謝春風爛漫開

心開貴

截斷千崖路風前活計新誰知席帽下元是昔愁人

增世尊臨入涅槃文殊請佛再轉法輪世尊咄云

無際派

吾四十九年住世未嘗說一字汝請吾再轉法
輪是吾曾轉法輪邪 頌曰
四十九年打之遶下梢大作師子吼雖然未始轉法
輪畢竟分踈成應口

無際派

末上何曾轉法輪只今再轉謾勞神路行人不知天
曉猶把靈符執夜明

北禪館

老漢生平太脫空將無作有詎肯聾期一語方真
實也是閹黎飯後鐘

別山智

世尊臨入涅槃以手摩曾普告人天大眾云汝
等諦觀吾紫磨金色之身瞻仰取足莫令後悔

若言吾滅度非吾弟子若言吾不滅亦非吾弟子
子 頌曰

言吾入滅非吾子言吾不滅亦非親但見落花隨水
去不知流出洞中春釋迦老若爲隣臨行賣弄紫金
身雙林盡道泥洹也夜夜羣星拱北辰

老倒瞿曇不識羞臨行猶自逞風流摩訶示衆歸
何處啼鳥一聲山更幽

曉山凝

佛鑑勸

減度不減度總非吾弟子更把雙趺展示人苦瓠連
根苦

雙林樹下手摩訶說有談無恣脫空若謂瞿曇曾入

卷之二

滅錯教啼鳥笑春風

虛舟廣

增收

世尊涅槃日迦葉最後至世尊乃於櫛中露雙

趺示之迦葉乃作禮請如來以三昧火而自闍

維卽時金棺從七寶牀升舉繞俱尸羅城七市

却還本處化火光三昧而自焚之

頌曰

慚愧老胡櫛示雙趺金色尊者還會也無目前悟得

未辨精麤繞七市兮成何事箇箇男兒是丈夫

地

藏思

未出王宮已涅槃何須雙足露金棺致令迦葉雙眉
皺慶喜門前倒刹竿

佛鑑勸

禪宗頌古聯珠通集卷第二

未出王宮日早梨同於雙女覆金鉢姪令附文

刑部郎中金壇于玉立施貴刻此進無日

禪

宗頌古聯珠通集第二卷

豫章沙彌德定

對

長洲徐普書

上元

許

科刻

真本

萬

曆丙申季秋徑山興聖萬壽禪寺識

迦龍太子朝天笑春風

脫至若謂瞿曇會入

禪宗頌古聯珠通集卷第三

宋池州報恩光孝禪寺沙門法應集

元紹興天衣萬壽禪寺沙門普會續集

菩薩機緣

文殊師利在靈山會上諸佛集處見一女子近
佛坐入於三昧文殊白佛云何此女得近佛坐
佛云汝但覺此女令從三昧起汝自問之文殊
繞女子三匝鳴指一下乃至托上梵天盡其神
力而不能出佛云假使百千文殊亦出此女定
不得下方過四十二恒沙國土有光明菩薩能

出此女定須臾。因明至佛所。佛敕出此女定。因明卽於女子前。鳴指一下。女子於是從定而出。有尊宿問僧曰。文殊是七佛之師。爲甚麼出女子定不得。因明爲甚麼却出得。僧無對。翠巖芝和尚云。僧投寺裏宿。賊打不防家。頌曰。文殊托上梵天因明。輕輕彈指。女子黃面瞿曇。看他一倒一起。

天衣懷

千眼莫辯來由。孤坐是何三昧。文殊著力。雖多女子隨邪。亦殺因明。關捩有誰知。雨過春山如潑黛。

佛

因明彈指也尋常。豈是文殊智不長。因憶江南二三月。鶼鷀啼處百華香。

佛印元

佛性天真事。誰云別有師。因明彈指處。女子出禪時。不費纖毫力。何曾動所思。衆生總平等。日用自多疑。

真率文


百千文殊出不得。因明不費纖毫力。落霞與孤鶩齊飛。秋水共長天一色。

雲居祐

獨坐靈山誰得知。因明出定破羣迷。如今四海皆通達。信道無心總不疑。

文殊用盡平生力。因明彈指便回來。不是老胡深有

雲蓋智



意雙眸未可爲渠開

成枯木

拂拭瑤琴月下彈調高雪曲和還難五侯費盡平生

志從此詩書懶更看

寶峯照

坐擁羣峯覆白雲鶯啼深谷不知春嚴前華雨紛紛

落夢覺初回識故人

石門易

一拳拳倒黃鶴樓一踢踢翻鸚鵡洲欲識因明彈出

定青山不動水長流

智海清

當機密薦箇中玄女子何因坐佛前切莫途中爲解

礙刻舟求劍實徒然

禾山方

女子文殊與因明禪徒畢竟如何委除非格外妙投

機始信波濤元是水

龍牙才

出定只消彈指佛法豈用工夫我今要用便用不管

因明文殊

洪覺範

畫得天然別蒼間試展開黃鸝偷眼覬不敢下枝來

慈受深

出得出不得初不離是定聖者超凡情凡人而乃聖

倒用與橫拈扶邪及顯正春雨春風竹戶涼落花啼

鳥千峯靜

龍門遠

瞿曇身心如泥女子肝腸似鐵文殊貪尋鍋子因明
由來著楔歷觀大地衆生不解閉門作活不動干戈

建太平雨過青山如黛潑

佛燈珣

女子與瞿曇自起還自倒無限傷觀人投身入荒草

月菴果

二菩薩出定咲殺老禪和富嫌千口少貧恨一身多

圓覺演

不假文殊神通休要岡明彈指爾時靈山會中女子從定而起

鼓山珪

出得出不得是定非正定岡明與文殊喪却窮性命

徑山果

文殊出不得岡明却出得叵耐這冤家冷地裏作威

白揚順
文殊彈指岡明出定今日重新打翻舊令女子瞿曇在我心鏡

續

楚安方

入定出定因邪打正堪咲文殊春行秋令

石君
明

長江輾底浪如銀秋日白蘋紅蓼新莫怪扁舟難到岸行船由在把梢人

慈受深

大定等虛空廓然誰辨的女子與瞿曇據令何調直師子奮迅分搖蕩乾坤象王回旋兮不費餘力孰勝孰負誰出誰入雨散雲收青天白日君不見馬駒踏殺天下人臨濟未是白拈賊

圓悟勤

抹粉塗坏恰我獸神頭鬼面舞三臺千千萬萬人窺
看子細不知誰見來

開福寧

懷藏日月八面玲瓏袖裏金鉗鮮血通紅香風飈飈
花雨濛濛兵隨印轉處萬里長虹將逐符行時些子
神通

南堂興

四箇沒意智漢做處總無畔岸一狀領過階前與伊
據款結案

應菴

出得出不得滿面是埃塵愁人莫向愁人說說向愁
人愁殺人

應菴

金不博金水不洗水兩既不成一何有爾囚明文殊

靴裏動指

尼無著總

一畝之地三蛇九鼠子細看來是何面觜

佛照光

苦瓠連根苦同坑無異土二千年已前一火破落戶

或菴體

出得何如未出時瞎驢成隊喪全機如今四海平如
紙蘆笛迎風撩亂吹

密菴傑

人平不語水平不流瞿曇女子鬼面神頭
出得出不得擯落精靈窟何處不風流祖師無妙訣

松源岳

子不嫌母醜犬不厭家貧舉頭天外看誰是我般人

孤峯深

文殊岡明休卜度瞿曇女子謾鍼錐推倒鐵山歸去

也縱橫十字更由誰

石菴昭

誰在畫樓西相逢語咲低到家春色晚華落鶗鴂啼

雪菴瑾

文殊達三市岡明輕彈指世尊努眼睛女子從定起

幻菴覽

鵠鴟午夜破雲飛寶印無私孰解提若道岡明能出

定是人拔舌入阿鼻

劍門分

古老相傳鬼叫坑看來人鬼不多爭早知鬼便是人

作夜半三更也可行

無準範

鮑叔眼下安眉趙哥口邊著耳驀然狹路相逢兩個
是甚面觜

斷橋倫

出得出出不得渠儂得自由神頭并鬼面敗闕當風流

無門開

是定出得不得關捩初無多子文殊神通太過岡明
輕輕彈指

橫川共

文殊師利令善財童子採藥云是藥者採將來
善財徧採無不是藥却來白雲無不是者殊云
是藥者採將來善財拈一枝草度與殊殊接得

一

善財徧採無不是藥却來白雲無不是者殊云

示衆云此藥能殺人亦能活人頌曰

是藥拈來更不疑師資相見在臨時從茲病甚無醫處殺活還應作者知

信手拈來草最靈一枝能殺亦能生曼殊室裏開金口直至如今藥道行

正覺逸
佛印元

大地蒼生病似麻吉祥靈藥示無涯其間殺活難分辨又是重添眼裏花

藥病相治貶更褒當機殺活按吹毛毗盧海闊烟波靜誰把長竿釣巨鰐

保寧勇照覺總

歷劫何曾異明明百草頭甘和苦滋味死活病須瘳

好咲文殊老憐兒不覺羞

雲溪恭

善財拈起一枝草持來度與文殊老殺活雖然在手中徧界不藏光杲杲

楚安方

善財採藥不知度與文殊用得靈便把黃連當甘草等閑殺活幾多人

鐵山仁

採藥與用藥相逢一會家殺人活人不眨眼白玉無瑕却有瑕

一莖草上定綱宗殺活全歸掌握中未舉已前先薦得分明鷄子過遼東

石田薰

掩室開

文殊問菴提遮女云生以何爲義女云生以不

增
收

生生爲生義殊云如何是生以不生生爲生義
女云若能明知地水火風四緣未嘗自得有所
和合而能隨其所宜以爲生義殊又問死以何
爲義女云死以不死死爲死義殊云如何是死
以不死死爲死義女云若能明知地水火風四
緣未嘗自得有所離散而能隨其所宜以爲死
義 頌曰

生以不生死以不死死根本豁然明應時超佛祖
隨宜離散與和合十字縱橫活鱗鱗金剛寶劍倚天
寒外道天魔皆膽懼 圓悟勤

生以不生生爲生指天指地四方行死以不死死爲
死雙林樹下亦如此生不生死不死四十九年無一
字掣斷金鎖天麒麟突出金毛師子子

生無所生死無所死風動塵飛波澄浪止和合離散
隨處發現滿月彎弓雙鵠一箭 佛性泰

問處分明答處端當機覲面不相謾死生生死元無
際月上青山玉一團

收增

簡翁敬

文殊三處度夏一月在魔宮一月在長者家一
月在婬坊夏畢却歸世尊會中解制迦葉欲白
槌擯出纔舉此念見會中有無量釋迦無量丈

殊無量迦葉無量楗椎迦葉既見世尊云汝擯
那箇文殊 晦室明云文殊徧越聖制固是罪
不容誅大小世尊前言不副後語楞嚴會上道
如是文殊若有二相卽非文殊者裏又道欲擯
出那箇文殊惑亂不少育王當時作迦葉且放
過文殊但擯出世尊一箇何故殺一有罪而天
下咸服 頌曰

千峯月照楚江秋衲子初開布袋頭聞道淮南米價
賤便隨船子下楊州

褚袖秀

大象不遊鬼徑瘞雀安知鴻鵠據令宛若成風破的

渾如齧銖徧界是文殊徧界是迦葉相對各儼然舉
槌何處罰好一劄金色頭陀曾落節
利利塵塵見不難頭陀何苦被他瞞當初若論收姦
細莫把瞿曇做佛看

心聞貴

圓悟勤

天高雲靜月彎彎雨過秋空眼界寬百億文殊真妙
體分明只在一毫端

正堂辨

三處移場定是非頑心全不改毫釐胡言漢語憑誰
會鐵額銅頭也皺眉 密菴傑
錦衣公子春遊慣白首佳人懊恨多彼富尚嫌千口
少自貧無奈一身何

月庭忠

舍利弗入城遙見月上女出城弗心口思惟此
姊見佛不知得忍不我試問之纔近便問甚麼
處去女曰如舍利弗與麼去弗云我方入城汝
當出城云何言如舍利弗與麼去女云諸佛第
子當依何住弗云諸佛弟子當依大涅槃而住
女云諸佛弟子既依大涅槃而住而我如舍利
弗與麼去 頌曰

淡籠煙深瓊霧鶯子寧知此條路直饒撞入涅槃城
未免隨他與麼去月上女實堪悲愛將青黛畫蛾眉
佛慧泉

本來正體徹根源出入同途只此門已住如來大解
脫掌中至寶耀乾坤

圓悟勤

重城曉入冒輕煙鬧市相逢豈偶然一句等閑相借
問平田忽爾浪滔天月上女實堪憐雲髻高梳何處
去借婆裙子拜婆年

佛性泰

涅槃一路同來往寸步寧虧達本鄉鶯子黠兒輕借
便由如啞子喫生薑月上女太無良不塗紅粉自風
光金瑣玄關留不住百尺竿頭信脚行

佛燈珣

續
出入分明報已知更言何處有狐疑但如鶯子恁
麼去莫管傍人說是非

文殊道

如舍利弗與麼去千人萬人攔不住優游自在涅槃
城步步蓮華隨足舉

且菴仁

相逢打鼓弄琵琶須是還他兩會家曲罷不知何處
去夕陽斜映暮天霞

石菴招

有禮有樂能放能收人平不語水平不流漢地不收

秦不管又騎驢子下楊州

無際派

月上女曾與麼去我今亦依如是住明明今古不曾
藏一點靈光常獨露

月林齋

大地絕纖塵面南看北斗嫁雞逐雞飛嫁狗逐狗走

太白

菴

董

收增
舍利弗因維摩詰室有一天女散華次問言汝
何不轉却女身曰我從十二年來求女人相了
不可得當何所轉卽時天女以神通力變舍利
弗作天女天乃化身如舍利弗而問言何不轉
却女身弗以天女像而答我今不知何轉而變
爲女身天曰舍利弗若能轉此女身則一切女
人亦當能轉如舍利弗非女而現女身一切女
人亦復如是雖現女身而非女也卽時攝舍利
弗身還復如故而問言女身色相今何所在舍
利弗言女身色相無在無不在天曰一切諸法

亦復如是無在無不在 頌曰

鶩子已圓無漏種換却身形總不知通途一貫非他
物午夜胡僧步雪歸

正堂辨

賓頭盧尊者赴阿育王宮大會王行香次作禮
問曰承聞尊者親見佛來是不者以手策起眉
毛曰會麼王曰不會者曰阿耨達池龍王請佛
齋吾是時亦預其數 頌曰

拈起眉毛示育王當時凡聖絕商量從來對衆難收
拾眼上依前兩簇長

佛印元

一翳在眼空花亂墜狹路相逢難爲回避大王還識

老僧無似雪眉毛長窣地

佛慧泉

我佛親見賓頭盧眉長髮短雙眉麤阿育王猶疑狐
唵摩咤哩悉哩蘇嚧

保寧勇

續靈山會上舊家風脫略從茲勢莫窮金斗峯前重

漏泄莫將附子當天雄

正堂辨

尊者親曾見佛來雙眉策起咲顏開古今不隔絲毫
許天上人間孰可陪

佛照光

以手策起眉毛千聖從來不識一會靈山儼然說甚

今朝昨日

月林觀

策起眉毛答問端親曾見佛不相謾至今應供四天

天童淨

下春在梅梢帶雪寒
尊者當時親見佛眉毛策起有來端頂門歡瞎金剛
眼恩大難鼎雨露寬
枯禪鏡

厖眉策起貌稜層見佛元來却不曾南獄天台相撞
著被人喚作捉齋僧

已菴深

策起眉毛示育王分明佛面露堂堂至今阿耨池中
水流落人間潤八荒

天目禮

君王一語出如綸尊者眉毛八字分四海風清煙浪

無準範

靜碧天無際水無垠
尊者策眉王不會十方刹土古風清佛齊勝會親曾

預不是尋常粥飯僧

橫川瑞

殃嵒摩羅未出家時事外道受教爲僑尸迦欲
登王位用千人拇指爲花冠所得九百九十九
唯欠一指遂欲殺母取指時佛在靈山以天眼
觀之乃化作沙門在殃嵒前殃嵒遂釋母欲殺
佛佛徐行殃嵒急行追不及乃喚曰瞿曇住住
佛告曰我住久矣汝不住殃嵒聞之心忽開
悟遂棄刃投佛出家佛卽授與落髮披衣頌

曰

殃嵒雄雄方勇銳瞿曇住住息風波殺人作佛當頭

劄覆雨翻雲在刹那

踰山如

急行緩步無前後渾踏長安路一條殃屈回頭知住處便能平步上雲霄花冠不用娘生指鬚髮寧煩費力搖好是移花兼蝶至等閑買石得雲饒

續我住久矣是汝不住是汝若住鼻孔相挂不動步而徧界遊師姑畢竟女兒作

佛燈句

從人求覓枉奔波過在孳生口數多殺却渾家仍自殺誰能奈得你儂何

野雲南

殃屈摩羅旣出家爲沙門因持鉢入城至一長者家值其婦產難子母未分長者云瞿曇弟子

汝爲至聖當有何法能免產難殃屈曰我乍入
寶道未知此法當去問佛却來相報遽返白佛具陳上事佛告曰汝速去說我自從賢聖法來未
不因曾殺生殃屈往告其婦人聞之當時分免母子平安頌曰

聖法從來不殺生本無生殺亘精明是諸人我皆空相一切冤親盡假名甘露纔霑除熱惱玉蓮金子兩敷榮

覺海元

月裏姮娥不畫眉只將雲霧作羅衣不知夢逐青鸞去猶把花枝蓋面歸

鼓山珪

華陰山前百尺井中有寒泉徹骨冷誰家女子來照
影不照其餘照斜領

徑山呆

續不遲一步不疾一刻明眼衲僧如何會得粉骨碎
身未足酬一句了然超百億

丘無著總

賢聖劫來未曾殺而今斷這一刀休果然葛怛胷中
落笑殺靈山老比丘

密菴傑

不因一事不長一智不曾殺生了無忌諱傳言送語
當風流拈得口今失却鼻

木菴永

賢聖中來不殺生其家子母自團圓陰陽造化初無
迹春在花枝特地妍

天目禪

綵仗神旗獵曉風鷄人催唱鼓鼙橐銅壺漏永何時
歇如此相催卽老翁

南叟荌

非食不療飢非藥不療病黃面老瞿曇識盡衆生性

寶葉源

我瞿曇佛具正徧知子母分解只在當時

橫川珙

那吒太子析肉還母析骨還父然後現本身運
大神力爲父母說法佛眼遠云肉旣還母骨
骨旣還父用甚麼爲身學人到這裡若見得去廓
清五蘊吞盡十方乃頌曰

骨還父肉還母何者是身分明聽取山河國土現全
骨

軀十方世界在裏許萬劫千生絕去來山僧此說非
言語

骨肉都還父母了未知那箇是那吒一毛頭上翻身
轉一毛頭渾不差

徑山果

續收那吒太子本來身卓卓無依不受塵雲散水流天
地靜籬間黃菊正爭春

自得暉

析骨還父肉還母不知那箇是那吒夜深失脚千峯
外萬古長風片月斜

少室曉

骨還父肉還母日西沉水東注

良久

露

北磽簡

雨散雲收後崔嵬數十峯王維雖敏手難落筆頭蹤

無準範

七賢聖女姊妹同遊屍陁林一姊指屍曰屍在此人甚處諸姊妹諦觀皆悉悟道乃感帝釋雨華讚曰我是帝釋覲諸姊妹悟道故來供養但諸姊妹有何所須我給施女曰我家四事七珍悉皆具足唯要三般物一要無根樹一株二要無陰陽地一片三要叫不應谷一所帝釋曰一切所須我悉有之若此三物我實無女曰汝若無此爭解濟人遂同往白佛佛言我諸弟子不解此義唯有諸菩薩乃解此義頌曰

寒林裏忽逢伊帝釋行檀恨已遲三物索來何處有
却令諸姊皺雙眉嬌尸迦知不知更獻天華三兩枝
佛慧泉

屍在此兮人何在疾雷破山風振海雲飛雨散相見
時觸體眼睛放光彩

龍牙才

帝子遊春不逐他相邀諸姊入屍阨死人堆裏出身
路撥動煙塵見也麼靈利漢不消多回頭踏著自家
底洞雲深處舊煙蘿

佛燈珣

續收談玄談妙實堪誇帝釋纔聞便雨華臨機須索三
般物看看愁殺嬌尸迦歷劫不曾違背面明明借問

却周遮

大鴻智

無陰陽地無根樹谷呼不應當頭露羅列七珍森太
虛動地雨華無量數天帝釋七賢女明明指出真金
處無生無法本如如只箇如今離言語

圓悟勤

無陰陽地叫不響山無根樹子大家攀七賢女太嬌
癡却將紅粉畫蛾眉嬌尸無此三般物那得天華擦
亂飛

佛鑑勸

無根樹子枝條累山谷無聲句最親陰陽不到閒田

地結子開華朵朵新

正堂辨

觀之不可見聽之不可聞家有三般寶富貴壓乾坤

月菴果

無根樹子一株山翁不費誅鋤鉗碎千年桃核不須
緣木求魚

蒙菴岳 三

無陰陽地一片明明賣貴買賤死屍無處活埋露出
三頭兩面

不應山谷一所透出千門萬戶清曉一聲杜鵑勸人
不如歸去

無陰陽地有甚巴鼻無根樹子荒得人死叫不響山
谷摩醯亞三目作麼作麼因禍致福惱得橋尸迦大
咲却成哭

退菴寄

七珍八寶任君需三物從來的是無若向無中拈得
出不須見佛問何如

天目禮

收增

昔城東有一老姥與佛同生而不欲見佛每見
佛來卽便回避雖然如此回顧東西總皆是佛
遂以手掩面於十指掌中亦總是佛 頌曰
覺城東際老婆婆白髮慈穆意氣多與佛同生嫌見
佛惡人無奈惡人何

笑翁堪

開眼也著合眼也著回避無門將錯就錯祥麟只有
一隻角

掩室開

城東聖姥坐蓮臺大地衆生正眼開與佛同生嫌見

佛一身難作二如來

虛堂愚

平生不願佛相逢十指尖頭現紺容夾路桃華風雨
後馬蹄無處避殘紅

石室輝

雙林善慧大士因梁武帝請講經士升座以尺
拊案一下便下座武帝愕然誌公乃問陛下會

麼帝云不會誌云大士講經竟頌曰

不向雙林寄此身却於梁土惹埃塵當時不得誌公
老也是悽淒去國人

雪竇顯

遠別雙林事有因金陵明王慕仁人良哉高座登臨
次一擊大千經出塵

正覺逸

大士何曾會講經誌公方便且相成一揮案上俱無
取直得梁王努眼睛

白雲端

大士講經時揮案成註脚一丸消衆病不假驢駝藥

慈受深

案上一聲鳴曝曝已是重重添註脚梁王何事不回
頭誌公將錯還就錯

佛鑑勸

身受龍華三會王槌開鳳閣九重城梁王築倒金
剛佛更問如何不講經

剋符道者

兩口明明一無舌同生同死爲君決那吒頂上喫蒺
藜金剛脚下流出血

東山空

大士錯解註誌公錯註解臭肉積屠門堪笑無人買
無準範

雙林大士太無端又向梁朝露一班經旨未分玄路
絕一揮案上動龍顏

葛盧譖

傳大士見梁武帝不起羣臣曰大士見王爲甚
不起士曰法地一動一切不安 頌曰
梁國令他魏國愁渡江投水暗隨流雖然寸土居無
動爭奈雙林半樹秋

投子青

僧傳大士一日披衲頂冠靸履朝見梁武帝帝問
是僧邪士以手指冠帝云是道邪士以手指靸
道冠儒履釋袈裟和會三家作一家忘却率隨天上
路雙林端坐待龍華

胡隱濟

身披壞衲片雲寒脚著朝靴頂戴冠要使三宗同一
轍捏沙終是不成團

泥封三詔出煙霞直到金陵帝王家自古多能誰得

及道冠儒履釋袈裟

寶葉派

非儒非道亦非禪杜撰修行忒可憐擔閣一身三不了至今八百有餘年

一衲戒

收傳大士頌云夜夜抱佛眠朝朝還共起起坐鎮相隨如形影相似欲識佛去處祇者語聲是

頌曰

誰有單于調換取假銀城

良久

曾被雪霜苦楊花落

天衣懷

也驚

要眠時便眠要起時卽起水洗面皮光啜茶濕却觜大海紅塵生平地波濤起呵呵呵囉哩囉哩囉哩

保寧勇

增傳大士頌云空手把鋤頭步行騎水牛人從橋

上過橋流水不流 頌曰

心間賈

六月上伏八月中秋人平不語水平不流

魚行水濁鳥飛毛落大士橫身不受斧鑿

木菴承

狗走抨攢口猴愁摟搜頭瑞巖門外水自古向西流

斷橋倫

增傳大士云須彌芥子父芥子須彌爺山水坦

然平敲冰來煮茶 頌曰

須彌納芥不容易芥納須彌匹似閑長河攬著成酥

酪輕輕擊透祖師關

圓悟勤

傳大士頌云有物先天地無形本寂寥能爲萬
收增

象主不逐四時凋五祖演云古人恁麼道可

謂錦上鋪花不妨奇特諸人且作麼生會白蓮

今日曲順後機不惜眉毛亦爲頌云

有中有無中無細中細麤中麤

上面灰頭不染塵華街柳巷樂天真金鷄唱曉瓊樓

夢一樹華開浩劫春

足菴鑒

禪宗頌古聯珠通集卷第三

刑部郎中金壇于玉立施贊刻此 禪宗頌古聯珠通集第三卷 諸草沙彌

德定對 長洲徐昌書 漢水端學辨刻 萬曆丙申季秋徑山萬壽禪寺識

禪宗頌古聯珠通集卷第四

宋池州報恩光孝禪寺沙門法應集

元紹興天衣萬壽禪寺沙門普會續集

菩薩機緣

布袋和尚常在通衢或問在此何爲師云等箇人來曰來也師曰汝不是這箇人或解布袋百物俱有撒下曰看看又一一將起問人曰這箇喚作甚麼或袋內探果子與僧僧擬接師乃縮手曰汝不是這箇人或見僧行過乃拊背一下僧回首師曰把一錢子來有時倚袋終日憨睡

或起行市肆間小兒譁逐之或柱杖或數珠與兒戲有僧問如何是祖師西來意遂放下布袋又手而立僧曰祇此別更有在師拈起布袋肩負而去頌曰

彌勒既非布袋不是是非兩忘金生麗水至寶滿袋貴買賤賣若解商量不勞三拜詮了義註大乘月裏螢光日下燈布袋枕頭眠一覺倚天山色碧層層

野軒遺

拈起卽行放下便歇瞌睡阿師弄巧成拙佛意祖意寧知裙子褊衫百結有時獨立今誰是知音歸去來

兮一天明月

佛慧泉

困來抱囊無語傍觀盡生疑慮未免開獻諸人是甚閉家破具莫訝衣裳破碎入廓且無忌諱橫身要道等人那個便知圈續

雲峯悅

千般萬樣有誰能會瞌睡老僧收拾滿袋心無諸受觸處三昧巷尾街頭貴買賤賣

圓通秀

都盧一箇布袋裏面討甚奇怪困來且得枕頭攜去亦無妨礙有時鬧市打開多是自家買賣

白雲端

咄這慾皮袋眉癱兼眼大終日在街頭市行無買賣

阿呵呵歸去來典錢還却債

保寧勇

分身百億混塵埃氣貌憨憨勿可猜一袋挑擎隨處

去千般撒下復拈來人間天上相呈示市尾街頭睡

覺回等得箇時還不是至今猶是老黃梅

天不能蓋地不能載包括乾坤全歸布袋十字街頭

大打開般般拈起隨人愛

三千威儀都不修八萬細行全不顧只因鬧市裏等人被人喚作破落戶兜率內院久拋離縱歸忘却來

時路稽首彌勒世尊得與麼寬腸大肚

徑山果

續接著一箇牛箇覓得三文兩文誰知破布袋裏許

多彌勒世尊

瞎堂遠

靈源清

拊背覓錢成漏逗回頭轉腦昧真機可憐鬧市無人識空手肩擔布袋歸

佛照光

長汀汀上風顛子曳杖回頭等阿誰向道那人元不在汝須知有轉身時

天目禮

轉得頭來已是遲恰如曾未轉頭時一錢覓得無及處猶自區區詎阿誰

北澗簡

逢人乞一文袋裏敵國富不是下生遲嫌佛不肯作

環溪一

跋陀尊者因生法師論衆微聚白色衆微無自性曰空者云只明得因中色空未明得果上色

增收跋陀尊者因生法師論衆微聚白色衆微無自性曰空者云只明得因中色空未明得果上色

空法師問如何是果上色空者云一微空故衆
微空衆微空故一微空一微空中無衆微衆微
空中無一微
鹽官云因中色空果上色空總
是夢中說夢頌曰

靈光滿目簇山河幻境之中物像多體妙已知緣不
礙執情還被境消磨
雙泉瓊

盡青山依舊白雲中
天衣懷

東西南北十萬八千空生罔措火裏生蓮

堂堂色裏無空相皎皎空中絕色形直下色空無一

二色號元來不我名

靈隱本

十
收增

維摩居士示疾毗耶離城自念寢疾于牀世尊

大慈寧不垂愍佛知其意告文殊師利言汝行

詣維摩詰問疾文殊白言世尊彼上人者難爲

醉對深達實相善說法要辯才無滯智慧無礙

一切菩薩法式悉知諸佛祕藏無不得入降伏

衆魔遊戲神通其慧方便皆已得度雖然當承

士夫佛聖旨詣彼問疾頌曰

咄這維摩老悲生空懊惱臥病毗耶城全身太枯槁
七佛祖師來一字俱屏掃請問不二門當時便靠倒

不靠倒金毛師子無處討

雪實顯

佛病法病最難醫獨有維摩也大奇文殊稽首讚居士失却金毛師子兒

天衣懷

毗耶城裏維摩詰知伊畢竟徹不徹金毛師子未到來一室屏除先漏泄及乎回問不二門推出一團無孔鐵剛被文殊下一槌千年萬載成凹凸冷坐毗耶城百病一時發不得文殊來幾乎無合殺

徑山某

大洪遂

千人萬人射一鴈箇箇手親并眼辨刮地西風鴈影高可憐發盡弦中箭後臂將軍仰面看弓開秋月影

團圓飛星一點天邊去羽翼離披落眼前
冤憎會苦愛別離苦鈍置瞿曇一場莽鹵咄
示疾毗耶方丈文殊亦難近傍看來無藥可醫只是忌口爲上

廣鑑英
正堂
辯

詐病從來不可醫文殊特爲下鍼錐事穩一喙長三尺問著依前似鼓椎

無准範

一箇病維摩無風自起波富嫌千口少貧恨一身多

湖隱濟

善財初詣娑羅林中參文殊文殊指往南方勝

樂國謁德雲比丘次第至彌勒樓閣所歸至普

門城外思惟竚立欲得奉觀文殊文殊伸手過
百十由旬與摩其頂卽見微塵數知識卽受行
其教 上藍超因僧問善財見文殊後爲甚麼
却往南方師云學憑入室知乃通方僧云到蘇
摩城爲甚麼彌勒却遣見文殊師云道曠無涯
逢人不盡 投子青云然道無迷悟發證由師
不住聖凡莊嚴妙行是以文殊遣去登須彌山
海岸逢師市廛禮友或刀山剎舍罪杻王宮或
童女童男瞿夷聖后彌勒彈指普賢親瞻再見
文殊復有何事信知通方知有道曠無涯不昧

光蹤歷窮盡妙諸仁者還知更有一人爲甚麼
善財不參且道是甚麼人 良久云 滿頭白髮離
巖谷半夜穿雲過市廛復頌曰

日出升空高下周崑崙源派入川流春山雲逗風無
盡鴈去回南天地秋

五十三人指路人因循流落百餘城草鞋踏破成何
事爭似歸家罷問程

茫茫夢裏去遊南五十三參發指端大士臂長衫袖
短善財脚瘦草鞋寬

收 善財詣妙峯山參德雲比丘四維尋覓七日方

大川濟

見在別峯上徐步經行頂禮聞法入佛境界得
憶念諸佛普見法門證發心住 頌曰

妙高峯頂尋知識南北東西望何極德雲遙自別山
來珍重分身千百億 延慶忠

妙高峯頂草茸茸步步相隨不見蹤若謂別山親覩
面片帆已過海門東

別山智

澹煙幕幕草茸茸七日徘徊信不通一步竿頭輕蹉
脚海門波卷白蘋風

棘田心

收增善財詣邢羅素國參毗目瞿沙仙人無量仙人
同音讚已下牀執手佛刹現前悟真淨智卷舒

自在得無勝幢法門證童真住 頌曰
毗目仙人下寶牀摩頭執手看殊祥十方佛境同時
現萬象森羅忽頓彰無勝妙牀騰瑞色遮邢文藏顯
靈光却還本座求端的轉覺平生見處長 佛國白
坦然古路勿迂踈霽月涼風動十虛毗目善財當日
事好如潘閻倒騎驢 或華體

收增善財詣佛會中參普賢菩薩見乘白象王處紅

蓮座一心親近諮詢聞法要智悲圓滿行願功成

卽獲佛德顯同果海得一切佛果微塵數三昧

法門

頌曰

百一由旬摩頂歸片心思見普賢師堂堂現在紅蓮

座落落分明白象兒沙劫智悲方滿日微塵行願正

圓時佛功德海重宣說愁見波濤轉渺瀰

佛國白

打鼓弄琵琶還他一會家木童能撫掌石女解煎茶

雲散天邊月春來樹上華善財參徧處黑豆未生芽

延慶忠

會收善財歷百十城參五十三位善知識後到毗盧

樓閣前曰是解空無相無作之所住處

云云見

樓閣門閉善財暫時歛念曰大慈大悲願樓閣
門開令我得入尋時彌勒領諸眷屬至善財前

彈指一下樓閣門開善財得入已還閉見百
千萬億樓閣一一樓閣有一彌勒領諸眷屬并
有一善財面在前立彌勒復彈指云善男子起
法性如是頌曰

妙意童真末後收善財到此罷南遊豁然頓入毗盧
藏悔向他山見比丘

張無盡

妙峯孤頂無知識百十城遊喪善財樓閣若還彈指
現分明有眼不會開

五十三人一縷穿小兒雖小膽如天茫茫煙水無重
數買得風光不用錢

北禪體

問處分明答處端還同雙劍倚天寒一從樓閣門開
後滿面慚惶無處安

淵翁琰

知識曾參五十三精金百鍊罷鉗回頭萬壑烟雲
散午夜蟾光浸碧潭

坦堂圓

南方經歷幾雲烟收得珍奇貨滿船彈指便風帆到
岸一時翻作大光錢

無準範

收增天台智者大師在南嶽誦法華經至藥王品曰
是真精進是名真法供養如來於是悟法華三
昧獲旋陀羅尼見靈山一會儼然未散頌曰
世尊三昧安詳起師悟藥王精進時靈鷲山中人未

散不因南嶽有誰知

楊無爲

溪山盡處夕陽斜溪上冬風雪滿沙便是江南舊行
路和烟隔水見梅華

蘿月瑩

舍盡家財與已財只將真法供如來當初一路今何
在觸目靈山翠作堆

天目禪

好將真法供如來花在幽巖險處開一夜狂風吹欲
盡落英無數點莓苔

虛堂愚

心迷念法華轉心悟時時轉法華誰知百萬靈山
客盡是天台眼裏沙

此山應

收會金陵誌公和尚或名寶公令人傳語南嶽思大

云何不下山教化衆生一向目視雲霄作麼思
云三世諸佛被我一口吞盡何處更有衆生可
度 頌曰

一口吞盡三世佛牙如劍樹眼如鈴斷絃不必鸞膠
續只要知音側耳聽

虛堂愚

佛與衆生一口吞纖毫不立道方存杖頭日月纔挑
起鼓動三千海嶽昏

丘開林英

目視烟霄卧白雲不知山下有乾坤從何更有衆生
度三世如來一口吞

本覺一

時清休唱太平歌大冶紅龜著一毛試向其中撮灰

燼亘天紅焰已周遭

蒙菴岳

誌公曰終日拈香擇火不知身是道場 玄沙

曰終日拈香擇火不知真個道場 玄覺徵云

只如此二尊者語還有親疎也無 雪竇顯云

一對無孔銕錐 圓悟勤云終日拈香擇火不

知拈香擇火 天童覺云奇怪八十翁翁出場

屋不是小兒戲且道利害在甚麼處有智無智

較三十里 頌曰

五蘊山頭古佛堂拈香擇火好承當何須向外求賢
聖終日無非是道場

本覺一

大乘經偈

經首題八字 昔有僧問地藏琛和尚以字不

成八字不是未審是甚麼字地藏曰看取下註
脚 又有問披雲寄師答以頌曰

以字不是八不成森羅萬象此中明直饒巧說千般
妙不是漚和不是經

以八不成只目前經中未識註中看垂慈不爲多知
解切要參玄達本源

汾陽照

以字不成八不是拈起經題皆擬議下頭註脚任君
看却是入門先問譯

佛印元

以字不是八不成龍門風浪苦雷霆多少游魚迷去
路依前和雨落滄溟

佛慧泉

我佛金言義海深開遮唯要悟真心首標妙在當頭
劄密使泥牛曉夜吟

雲居祐

拈起題摸不著却看下頭註脚了知字義炳然大藏
潛通廣略

地藏恩

以字不成八字不是法身睡著無遮閉衲僧對面不
知名百萬人前呼不起

覺範洪

以字不成八字不是十方諸佛同參三世如來共軌
慶喜多聞罔措鶩子神通莫擬若非金色頭陁焉能

密傳斯旨

曼古佛

以字不是八字非滿琅函載絕毫釐看經到此須開眼玉軸分明兩畔題

羅漢商

經題滿目孰知元點畫分明句義全佐國欲知功力大蕭何元是漢朝賢

跋山常

以字不是八不成無言童子唉忻忻優曇華現人間世鼻孔通天嗅不聞

開福寧

以字不成八字非樂迦羅眼不能窺一毛頭上重拈出忿怒邢吒失却威

經山果

龍宮海藏不會收梵語唐言亦謾求剛被祖師輕漏

泄當門齒缺乃因由

靈巖因

續鳥跡半露蒼苔科斗並遊春水若不信受奉行未免卽從座起

石若明

不向經題識本真紙堆討甚法王身未開梵夾承當去免作循行數墨人

絕岸湘

問你地藏知不知下頭註脚萬千千筭沙入海徒疲倦不若教他了目前

橫川共

楞嚴經佛告阿難吾不見時何不見吾不見之處若見不見自然非彼不見之相若不見吾不見之地自然非物云何非汝頌曰

全象全牛意不殊從來作者共名模如今要見瞿曇

老刹刹塵塵在半途

雪竇顯

堂堂露柱久懷胎長下孩兒頗俊哉未解語言先作賦一操直取狀元來

老胡徹底老婆心爲阿難陀意轉深韓幹馬嘶芳草渡戴嵩牛臥綠楊陰

湛堂準

白雲端

雲收空闊天如水月載姮娥四海流慚愧牛郎癡愛叟一心猶在鵲橋頭

佛鑑才

說離百非存軌則言無一法尚筌第毗耶默默曾緘口摩竭寥寥鎮掩扉

佛鑑勸

續

初學賣半日嬌羞掩齒牙及至容顏老脫然無可遮却唉白雲它自散不知明月落誰家
崇覺空
隔林彷彿聞機杼知有人家在翠微及至入門親見了元來只是小兒嬉

簡堂機

見時不見非見見非見不見總非織女機梭掠亂擲牧童鞭索恣胡揮幽鳥一聲驚宇宙碧灣溪畔綠楊垂

默堂定

石潤非玉水麗非金大禹決而西源下和泣而陸沉美兮渺兮錯古磬今

虛堂愚

楞嚴經佛謂阿難若能轉物卽同如來頌曰

若能轉物卽如來春暖山華處處開自有一雙窮相
手不曾容易舞三臺

白雲端

若能轉物卽如來處處門開見善財花柳巷中呈舞
戲九衢乘醉臥樓臺

真如詰

毛吞巨海芥納須彌乾坤大地直下同歸一氣不言
含有象萬靈何處謝無私

佛心才

續收若能轉物卽同如來咄哉瞿曇誑諱癡呆

經山果

剛際坦蕩無因役路岐

或恭體

他人住處我不住他人行處我不行不是與人難共

處大都綱素要分明

此山應

楞嚴經佛謂阿難見見之時見非是見見猶離
見見不能及 頌曰

見不及處江山滿目不覩纖毫花紅柳綠白雲起處
本無心江海滔滔豈盈縮

海印信

拄杖頭邊無孔竅大千沙界猶嫌小毗婆戶佛早留
心直至而今不得妙

春至自開花秋來還落葉黃面老瞿曇休搖三寸舌

徑山呆

色空明暗本無因見見由來亦誤人見不及時猶

未瞽邢知殃祟是家親

遜菴演

沒絃琴上無私曲一曲彈來轉轆轤斷崖流水少知
音六六不成三十六

妙峯善

瘦藤拄到風烟上乞與遊人眼界寬不知眼界寬多
少白鳥去盡青天還

朴翁鑑

雨洗淡紅桃萼嫩風搖淺碧柳絲輕白雲影裏怪石
露綠水光中古木清

潛菴光

隔牆見角便騎牛騎入紅塵鬧市遊遊徧歸來欄裏
臥三更半夜失踪由

雪菴璉

收增
榜嚴經七處徵心 頌曰

七處徵心心不遂懵懂阿難不瞽地直饒徵得見無
心也是泥中洗土塊

西余端

七處徵心欸便成推窮尋逐按分明都緣家賊難防
備撥亂乾坤見太平

正菴顏

吹糠著米翻成特地不因一事不長一智

北磾簡

七處徵他天外天毫光直射阿難眉瞿曇心殺憐兒
切逼得鮎魚上竹竿

絕岸湘

收增
榜嚴經八還辨見 頌曰

八還之教垂來久自古宗師各分割直饒還得不還
時也是鰯跳不出斗

西余端

明暗色空不可還不可還者絕躋攀夾截虛空成畔
岸一重水隔一重山

北岸顔

色空明暗各不相知行到水窮處坐看雲起時

北

憫簡

還還還後更無還一箇閑人天地間昨夜大蟲遭席
咬皮毛落盡體元斑

絕岸湘

收增 樂嚴經阿難大眾獲本妙心 頌曰

東西南北捉虛空海角天涯信不通力盡神疲無處

覓萬年松在祝融峯

北卷顔

適我昔所願今者已滿足是玉也大奇只恐不是玉

北禪簡

增

收增 樂嚴經觀世音菩薩成三十二應身獲十四無

畏法 頌曰

良哉觀世音旋聞與聲脫大吠驢鳴休未休世出世
間活鰥鰥

瞎堂遠

三十二應不思議十四無畏如流水男子身中入定
時女子身中從定起

北卷顔

趁隊選圓通無端立下風當時供死欵錯說在聞中

北禪簡

收增 樂嚴經妙性圓明離諸名相 頌曰

支那

真言宗大藏卷四

一錢爲本萬錢利富不足而貧有餘換骨奪胎此子
藥輸他潘閽倒騎驢

正菴顏

金盤不可動轆轤轉難住停待良久間圓明湛如露

北澗簡

增 樂嚴經諸可還者自然非汝不汝還者非汝而
誰頌曰

日暖風和景更奇草草露全機茶糜一陣香風
起引得遊蜂到處飛

心聞貴

千山鳥飛滅萬里人迹絕扁舟蓑笠翁獨釣寒江雪

肯堂充

不汝還者復是誰殘紅流在釣魚磯日斜風定無人
掃燕子啣將水際飛

增

楞嚴經六解一亾頌曰

天目禮

根塵縛脫本同源一處休復六用捐手把一條紅斷
貫娘生真孔一時穿

正菴顏

六用無功信不通一時分付與春風篆烟一縷閑清
晝百鳥不來花自紅

北澗簡

結解非殊存亾無據試問本來宗當初誰縛汝

增

楞嚴經阿難大眾復白佛言若此妙明真淨妙

心本來徧圓如是乃至大地草木蠕動含靈本

元真如卽是如來成佛真體佛體真實云何復有地獄餓鬼畜生
北 嘴 簡 頌曰

雙劍峯前古寺基天尊元是一牟尼時難只得同香火莫聽閑人說是非

三蛇九鼠一畝之地竿木隨身逢場作戲

北 嘴 簡

收增 楞嚴經佛言阿難此等衆生不識本心受此輪迴經無量劫不得真淨皆由隨順殺盜婬故反此三種又則出生無殺盜婬有名鬼倫無名天趣有無相傾起輪迴性
北 嘴 簡 頌曰

七處精研一妄心更隨三業殺盜婬身心不是閑家

具前箭猶輕後箭深

北 嘴 簡

客舍并州已十霜歸心日夜憶咸陽無端又渡桑乾水却望并州是故鄉

北 嘴 簡

收增 楞嚴經佛告阿難無令心魔自起深孽
北 嘴 簡 頌曰

瞿曇徹底老婆心見明色發理難任入鄉隨俗那伽定佛魔到此盡平沉

北 嘴 簡

挽弓須挽強用鏃須用長射人先射馬擒賊先擒王

收增 楞嚴經佛言富樓那如汝所言清淨本然云何

忽生山河大地汝常不聞如來宣說性覺妙明

本覺明妙

詳在本經

頌曰

清淨本然徧法界山河大地卽皆現性覺必明認影
明眼耳便隨聲色轉

凡華顏

彌滿清淨中不容他山河大地萬象森羅

北禪簡

增楞嚴經若能推者卽是汝心則是認賊爲子
收修山主云若能推者不是汝心則是認賊爲子

頌曰

如今推也是子是賊買帽相頭食魚去骨

天童覺見

增楞嚴經跋陁婆羅入浴忽悟水因

頌曰

了事衲僧消一個長連床上展脚臥夢中曾說悟圓

通香水洗來粵面唾

雪實顯

超諸現量卽悟水因體明無垢孰云洗塵得無所有
了無相身成佛子住妙觸常存

大鴻智

增洗塵觸體兩空寄妙證密圓超見思白璧無瑕空受
玷圓通會裏受塗糊

塗毒策

楞嚴經當知虛空生汝心內猶如片雲點太清
裏况諸世界在虛空耶汝等一人發真歸元此

十方空皆悉消殞

頌曰

一人發真歸元十方虛空消殞試問楊岐栗蓬何似

雲門胡餅

左無著總

970 1 2 3 4 5 6 7 8 9 100 1 2 3 4 5 6 7 8 9 100 1

瞌睡茫茫困思來喫椀濃茶眼便開四海五湖王化
裡更無一物是塵埃

朴翁錄

禪宗頌古聯珠通集卷第四

四

刑部郎中金壇于玉立施費刻此
禪宗頌古聯珠通集第四卷 楊章沙彌德定
對長洲徐普書 漢水端繼慧刻
萬曆丙申季秋徑山興聖萬壽禪寺識

欲誦莫量唱詠水因聲月共影雲飛快語音
頭香木未來暮面留 菩薩唱

禪宗頌古聯珠通集卷第五

庚申仲夏同上

宋池州報恩光孝禪寺沙門法應集

元紹興天衣萬壽禪寺沙門普會續集

大乘經偈之餘

增

圓覺經如是我聞一時婆伽婆入於神通大光

明藏三昧正受一切如來光嚴住持是諸衆生

清淨覺地身心寂滅平等本際圓滿十方不二

隨順 頌曰

東西南北水茫茫無角鐵牛入海藏千眼大悲尋不
見倒騎佛殿入僧堂

治父川

圓覺經於不二境現諸淨土與大菩薩摩訶薩

十萬人俱 頌曰

明鏡當臺照不差短長好醜盡歸家山河大地渾如
故不妨隨處覩烟霞

治父川

圓覺經非幻不滅 頌曰

不屬內外與中間纔落思惟入魔境大丈夫見不自
欺翻身坐斷毗盧頂

月林觀

圓覺經修多羅教如標月指 頌曰

方便門指頭月譊訛因底多甄別冷光靄靄登清途
市地茫茫尋舊穴指看畫處眼中眉到此何須更饒

舌

育王達

圓覺經一切障礙卽究竟覺 頌曰

枯樹雲充葉凋梅雪作花擊桐成木響蘸雪喫冬瓜

雪堂行

長天秋水孤鶩落霞

或菴體

早朝心悶三盃酒午後頭昏一椀茶入夜脫衣伸脚
睡五更走起眼瞇麻

圓覺經有我愛者亦愛涅槃伏我愛根爲涅槃

相 頌曰

黑山鬼窟至幽陰認得頑空盡力尋何似天窓饒一
撥頓令大地作黃金

圓覺經棄愛樂捨還滋愛本便現有爲增上善
果皆輪迴故不成聖道 頌曰

傀儡牽絲舞柘枝百般俏俊百般宜自從舞罷青絲
斷堪嗟渠儂撒手歸

圓覺經居一切時不起妄念於諸妄心亦不息
滅住妄想境不加了知於無了知不辨真實

頌曰

黃花爛爛翠竹珊珊江南地暖塞北天寒遊人去後
無消息留得溪山到老看

曉堂心

舉手攀南斗翻身倚北辰出頭天外看誰是我般人

鼓山

續

魏魏堂堂磊磊落落鬧處刺頭穩處著脚脚下線
斷我自由鼻端泥盡君休斬莫動著千年故紙中合
藥

天童覺

荷葉團團似鏡菱角尖尖似錐風吹柳絮毛毬
走雨打梨花蝶飛

徑山果

和烟釣月是生涯古策風高未足誇欸乃一聲天地
闊祖師何處渡流沙

或菴體

胡孫喫毛蟲烏狗上佛殿大地雪漫漫澄江淨如練

圓極妙

生鐵鑄牛頭牽犁還拽耙智者唉忻忻愚人驚怪差
古往今來幾百年更向鬼門重貼卦

庭前栽萐芨萐芨生火筋火筋生蓮花蓮花結木瓜
木瓜纔擘破撒出白油麻參

仰堂仁

密菴傑

昨夜深沙鑄鍊券阿邢律陀來合伴醉來相打見閻
王閻王握筆不能判不能判却相勸彼此事同一家
更莫前思後筭因你恁麼斷公事大喫醋
無菴全
張果老踏破葫蘆呂洞賓失却寶劍兩個撒手相逢
囊篋更無一線何仙姑鍊笛橫吹解道長江靜如練

王室詩

身世悠悠不繫舟得隨流處且隨流今朝有酒今朝
醉明日無錢明日愁

石菴

春眠不覺曉是處聞啼鳥夜來風雨聲花落知多少

春生夏長淡飯麌茶魚投濁水彩奔鹹家

無準範

收增
圓覺經以大圓覺爲我伽藍

頌曰

毫髮不留縱橫自由閻外乾坤廓落大方無外優游
明明祖師意明明百草頭褫破狐疑網截斷愛河流
縱有回天力爭如直下休四衢道中淨倮倮放出鴻
山水牯牛

圓悟勤

圓覺經恒作是念我今此身四大和合髮毛爪

齒等皆歸地唾涕膿血等皆歸水煖氣歸火動

轉歸風四大各離今者妄身當在何處 頌曰

今者妄身當在何不應談水更尋波狂心誤認鑑中

影豈異迷頭演若多

法華經佛放眉間白毫相光照東方萬八千世

界 頌曰

蠻奴赤腳上皇州賣盡奇珍跨白牛貪著市朝人作

市又隨歌舞上官樓多意氣好風流月冷珠簾掛玉

鈞分明忘却來時路百尺竿頭輒繡毬

圓極矣

收增

法華經假使滿世間皆如舍利弗盡思共度量
不能測佛智

五祀演云尋常衲僧家高揖釋迦不拜彌勒是會佛智不會佛智衆中有則有

只是藏牙伏爪太平有個見處不惜眉毛舉向諸人待有人問隨口便答 破菴先云且畢竟

如何是佛智乃頌曰

雪子落紛紛烏盆變白盆忽然日頭出依舊是烏盆

收增

法華經觀世音菩薩普門品偈曰呪咀諸毒藥

所欲害身者念彼觀音力還著於本人 東坡

居士別云念彼觀音力兩家都沒事 法眼益

禪師因閱至此乃有頌曰

呪毒藥形聲之逆眼耳若通本人何失

增 改法華經譬如長者有一大宅於後宅舍忽然火

起毒害火灾衆難非一 頌曰

翻峰休戀舊時窠五百郎君不奈何慾火逼來無走路癡心要上白牛車門前羊鹿權爲喻室內唯柴總是訛蓬煙臭火相惱處出身不用動干戈

增

法華經如來如實知見三界之相無有生死若

治父川

退若出亦無在世及滅度者非實非虛非如非異不如三界見於三界如斯之事如來明見無

有錯謬 頌曰

岣嶁峯頭神禹碑字青石赤形模奇無目仙人纔一見便應撫掌咲嘻嘻雲暗蒼龍化葛陂

圓極岑

火虐風饕水漬根石邊尚有舊苔痕化工肯未隨寒暑又孽清香爲返魂

開極雲

法華經此經開方便門示真實相深固幽遠無人能到 頌曰

雖然幽遠涉途程到者方知不夜城鼓角聲寒蓮漏永佛燈猶作向來明

法華經云是法住法位世間相當住 雲門云

釋迦老子甚處去也 頌曰

犬子便吠賊牛子便牽犧衲僧若恁麼未曾摸著皮

楊岐會

世間相當住黃鸝啼綠樹真箇可憐生動著便飛去

朴翁鉢

法華經偈大通智勝佛十劫坐道場佛法不現
前不得成佛道 頌曰

三際斷時凡聖盡十身圓處刹塵周無私應物隨高
下未過僧祇大劫修 保寧勇

種穀不生豆苗葵沙豈能成飯大通智勝如來一個

擔板底漢

鼓山珪

墮坐道場經十劫一一從頭俱漏泄世間多少守
株人掉棒擬打天邊月

徑山果

紅日杲杲切忌尋討拈得便用無非是寶鄭州梨青
州棗大抵還他出處好 月林觀

太平時代不論兵路不齋糧戶不局十劫坐來成底
事平生肝膽一時傾 道揚融

劫初鑄就毗盧印古篆雕蟲尚宛然堪嗟堪悲人不
識却嫌字畫不完全

法華經若有衆生聞是觀世音菩薩品者當知

是人功德不少 頌曰

觀音門普普門收纔著襯衫便不羞昨夜猿啼新嶺上今朝鶴唳古溪頭惡風飄幢迴光息慾火焚燒當處休瓔珞受來都不用平生活計冷湫湫

文殊所說般若經清淨行者不入涅槃破戒比丘不入地獄 頌曰

平生疎逸無拘檢酒肆茶坊信意遊漢地不收秦不
管又騎驢子過楊州

保寧勇

養就家欄水牯牛自歸自去有來由而今穩臥深雲
裏秦不管兮漢不收

祖印明

鵠白鳥本玄松直棘自曲清淨比丘僧却須入地獄

鼓山珪

壁上安燈盞堂前置酒臺悶來打三盞何處得愁來

徑山果

續

收僧門

同山詮清淨行者不入涅槃破戒比丘不入地獄時如何師云度盡無遺影還他越涅槃

頌曰

相好巍巍大丈夫一生無智恰如愚從來佛祖猶難望地獄天堂豈可拘

清淨行者不涅槃破戒比丘無地獄天台相接到西

川總是自家親眷屬

照堂

夜來村飲歸健到三四五摩挲青莓苔莫瞋驚著汝

自得暉

嘉州石像陝府鐵牛人平不語水平不流

尼無著

陪錢弄傀儡拚命打鞦韆渾家無眼見掩面哭蒼天

肯堂充
或菴體

事神者喫神事佛者喫佛神佛俱不事渾家窮徹骨

漢既不管秦亦不收人平不語水平不流

月林艷

犯重比丘清淨行平等性中無損益水裏不用覓魚
蹤天邊何處觀鳥跡

懶菴樞

國有定亂劍家無白澤圖神僊張果老踏碎藥葫蘆

朴翁話

清淨行者清淨破戒比丘破戒各自安貼家邦切忌
放賊過界

退菴詩

飲官酒臥官街當處死當處埋寒山逢拾得撫掌咲

咍咍

此山應

涅槃地獄本無差只爲從來被眼遮三脚瞎驢纔跨
跳鑊湯鑪炭卽吾家

高峯妙

維摩經須菩提持鉢入維摩舍乞食時維摩詰
取鉢盛飯謂言汝能於食等者諸法亦等諸法
等者於食亦等如是行乞乃可取食乃至彼外
道六師是汝之師因其出家彼師所憊汝亦隨
憊乃可取食入諸邪見不到彼岸住於八難不
得無難同於煩惱離清淨法汝得無諍三昧一
切衆生亦得是定其施汝者不名福田供養汝
者墮三惡道爲與衆魔共一手作諸勞侶汝與
衆魔及諸塵勞等無有異於一切衆生而有怨
心謗諸佛毀於法不入衆數終不得滅度汝若

如是乃可取食須菩提聞此茫然不知以何答
置鉢欲出 頌曰

無邊無際休斟酌潮去潮來本自平清濁淺深并苦
淡一般滋味迥分明

保寧勇

入林不動草入水不動波鑊湯無冷處合眼跳黃河

鼓山生

獨坐許誰知青山對落暉花須連夜發不待曉風吹

徑山果

白日街頭獨自行夜間屋裏獨自臥山高不礙白
雲飛竹密不妨流水過

照堂一

邪見飯依外道師與師同墮復何疑憑君滿鉢盛香
飯午日亭亭腹正飢

張無盡

七七四十九六六三十六是非纔入耳渾家不和睦
肯堂充

獨弄單提單提獨弄劔刃上行寂然不動

月林觀

所生各不同所潤一雨普甜瓜徹蒂甜瓠連根苦

冰谷行

青山白雲碧谿蘿月晝席成狸只得一橛

虛堂愚

增音

維摩經三十二菩薩各說不二法門至文殊云
我於一切法無言無說無示無識離諸問答是

爲菩薩入不二法門殊又問維摩摩默然殊歎
曰乃至無有語言文字是真入不二法門說是
入不二法門時與此衆中五千菩薩皆入不二
法門得無生法忍 頌曰

維摩大士去何從千古令人望莫窮不二法門休更
問夜來明月上高峯

雪竇顯

虛空鳥跡謾追尋幽鳥投聲又報春若識東西無異
路淨名一室不平沉

慈明圓

毗耶城裏競頭走謾謂南星真北斗還知蚌鵲兩相
持須臾盡落漁人手

太洪惠

一箇兩箇百千萬屈指尋文數不辦暫時放在暗窓
前明日與君重計算

白雲端

春有百花秋有月夏有涼風冬有雪若無閑事在心
頭便是人間好時節

訥堂心

毗耶城裏老維摩一默無言詭詐多三萬二千師子
座一時掀倒看如何

無用全

言言言兮飄風灑雪默默子靈轟電掣藕絲孔裏
騎大鵬等閑挨落天邊月

懶菴需

毗耶老子善藏機淵默靈聲徹四維今古競傳真不
二豈知黃葉止兒啼

尼無著總

有無語默謾徒勞居士何曾動一毫世祖功成三十
六雲臺爭似釣臺高

別峯印

深入不二門巧盡反成拙一默定千差常說熾然說
說拙萬古清風寒徹骨

松源岳

收增
維摩經不斷煩惱而入涅槃 頌曰

朝生暮死千萬徧一日幾回相見面展陣開旗放出
來一指動時客戲見

附僧問投子如何是不斷煩惱而入涅槃師曰這

箇師僧恁麼發人業 頌曰

雖然無背面觸處頭頭現吞却太虛空吐出瑠璃殿

者箇師僧發人業賣油老翁說向人啼得血流無用處不如緘口過殘春

文殊道

增維摩經觀身實相觀佛亦然

頌曰

眼空四海恣縱橫鼻孔遼天信脚行擎得電光爲火把却來日午打三更

增維摩經佛以一音演說法或有怖畏或斷疑

頌曰

或有怖畏或斷疑雙明一句絕針錐於斯切莫生欣厭覲面還須眼似眉

禾山方

增金剛般若經世尊食時著衣持鉢入舍衛城乞食於其城中次第乞已還至本處收衣鉢洗足已敷座而坐須菩提白佛言希有世尊頌曰食訖跏趺坐石牀斗間氣燭天光幾多業識茫茫者衲被蒙頭在醉鄉

水菴一

一字未曾談般若謾天謾地儘饒伊祇園乞食歸來後法會因由又是誰

北岡簡

衛城乞食沿門處祇苑收衣洗足時善現無端讚希

有斯文安得是如斯

增金剛般若經應如是住如是降伏其心頌曰

希有希有佛妙理極泥洹云何降伏住降伏信爲難
二儀法中妙三乘教喻寬善哉今諦聽六賊免遮攔

傳大士

七手八脚神頭鬼面棒打不開刀割不斷閻浮跳躑
幾千回頭頭不離空王殿

治父川

截斷從教來袞袞隨流未必去滔滔青山長鎖欲飛
勢滄海合知來處高

心聞貴

金剛般若經凡所有相皆是虛妄若見諸相非
相卽見如來 法眼云若見諸相非相卽不見

如來 頌曰

有相有求皆是妄無形無相墮偏枯堂堂密密何曾
間一道寒光爍太虛

治父川

映林映日一般紅吹落吹開總是風可惜擷芳人不
見一時分付與遊蜂

心聞貴

金剛般若經一切賢聖皆以無爲法而有差別

頌曰

一金成萬器皆由匠者智何必毗耶城人人說不二

覺海元

仁者見之謂之仁智者見之謂之智寒時向火熱時
乘涼健卽經行困卽打睡仰面看天開口取氣

休

金剛般若經一切諸佛及諸佛阿耨多羅三藐

增 改

三菩提法皆從此經出 僧問首山如何是此

經山曰低聲云如何是受持山曰莫染污治

父川云且道此經從甚處出須彌頂上大海波

心乃頌曰

佛祖垂慈實有權言言不離此經宣此經出處還相委便向雲中駕鐵船切忌錯會

水出崑崙山起雲釣人樵客問來因只知洪浪巖巒
闊不肯拋絲弄斧斤

投子青

長時誦不停非義亦非聲若欲受持者應須用眼聽

寶相元

金剛般若經應無所住而生其心 頌曰

山堂靜坐夜無言寂寂寥寥本自然何事西風動林
野一聲寒鴈唳長天

山谷定

應無所住豁心空金屑依然著眼中驀地虛空連地
脫大千經卷一時通

應無所住生其心廓徹圓明處處真直下頂門開正

眼大千沙界現全身

默堂定

金剛般若經若爲人輕賤是人先世罪業應墮

惡道以今世人輕賤故先世罪業則爲消滅當得阿耨多羅三藐三菩提 頌曰

明珠在掌有功者賞胡漢不來全無伎倆伎倆旣無波旬失途瞿曇瞿曇識我也無

雪竇顯水不洗水誰不知旋嵐常靜太驅馳千年曆日如能

筭免被巡官掌上推

白雲端

四序炎涼去復還聖凡只在剎那間前人罪業今人
賤倒却前人罪業山

張無盡

續收寶劍不失虛舟不刻不失不刻彼此爲得倚待不堪孤然仍則鳥跡虛空有無彌忒思之

法眼益

半夜窓明鄰家有火範老敲門李老打鎖王婆叫船
趙婆過渡油盡燈滅一場懾懼

佛鑑勸

綴綴功過膠膠因果鏡外狂奔演若多杖頭擊著破
竈墮竈墮破來相賀却道從前孤負我

天童覺

金剛般若經如來所得阿耨多羅三藐三菩提

於是中無實無虛 頌曰

菩提無實亦無虛幾個男兒是丈夫丹穴不歸金鶯
鶯碧潭空浸玉蟾蜍

冶父川
佛慧泉

生涯如夢若浮雲活計都無絕六親留得一雙清白
眼咲他無限往來人

金剛般若經過去心不可得現在心不可得未

來心不可得南堂興舉德山行脚時到潭州

詣胡餅店覓點心喫店婆出問過現未來心不

可得上座點那箇心德山無語今夜代德山幾

轉語與諸人商量待他道三心不可得只向道

咄咄老婆不得無禮似恁麼莫太剛麼不然道

婆子你從甚麼處得這箇消息來似恁麼又却

太弱麼當時若是老僧待他道過去心不可得

現在心不可得未來心不可得上座點那箇心

半只向道與我換熱底一隻來纔擬議便與換却

眼睛乃頌曰

過去現在未來心皺土揚塵無處尋坐臥經行無不是承當直下莫沉吟

過去心不可得收綸罷釣秋江碧扁舟古岸恣閑眠

明月蘆葦深穩密現在心不可得法王家法存今昔

謀臣猛將定封疆說甚隋珠并趙璧未來心不可得

不可得中只麼得石含玉兮地擎山惟證乃知難可測千古流芳誰共知清風市地有何極

三際求心心不見兩眼依然對兩眼不須遺劙刻舟

尋雪月風華常見面

治父

雪竇宗

6170-1 2 3 4 5 6 7 8 9 10 11 12 13 14 15 16 17 18 19 20

後念起時前念滅起滅之念何嘗別喚取機關木人

問從頭弄盡元無說

懶菴樞

三清道士無僊骨八教闍黎毀梵書黑漆崑崙舞擎

鼓天親無著暗嗟吁

或菴體

去歲春風燠子多社前先到舊時窠今年春色歸將

半簾幕蕭蕭不見過

寶葉源

金剛般若經若以色見我以音聲求我是人行
吳承 邪道不能見如來
頌曰

色見聲求也不妨百花影裏繡鴛鴦自從識得金鍼

後一任風吹滿袖香

塗毒策

蓋却耳根并眼底不知何處見如來數聲幽鳥啼寒
木一片閑雲鋪斷崖

收曾

野菴璇

金剛般若經一切有爲法如夢幻泡影如露亦
如電應作如是觀 頌曰

幻化空身卽法身箇中無染亦無塵拈匙把箸如明
了掃地燒香不倩人

慈受深

水中捉月鏡裏尋頭刻舟求劍騎牛覓牛空蒼陽燄
夢幻浮漚一筆勾斷要休便休巴歌杜酒村田樂不
風流處也風流

右父川

作事存心貴要精不精終是不通靈某逢絕處著方

妙梅到寒時香愈清

暑往寒來總不知有無名相一時離正如黑漆屏風

上醉寫盧仝月蝕詩

增

佛華嚴經世尊因普眼菩薩欲見普賢不能得

見乃至三度入定徧觀三千大千世界覓普賢

不能得見却來白佛佛云汝但於靜三昧中起

一念便見普賢普眼於是纏起一念便見普賢

乘六牙白象住於空中

翠巖芝云諸仁者作

麼生會翠巖道普眼推倒世尊世尊推倒普眼

你道普賢在什麼處

頌曰

飄飄一鴈落寒空步步追空覓鴈蹤踢破草鞋跟子

斷巍然獨坐大雄峯

瞎堂遠

瞿曇幾個舌頭衆會幾個眼睛頭頭物物刹刹塵塵

自謾猶自可最苦是謾人

北澗簡

增華嚴經世尊告普眼菩薩頗有人能說幻術文

字中種種幻相所住處不答云不也佛言普眼
幻中幻相尚不可得何況普賢菩薩祕密身境
界祕密語境界祕密意境界而入其中能入能

見頌曰

晃晃在心目昭昭居色塵莫將銀世界喚作假銀城

北闍簡

增華嚴經菩薩以菩提心爲家以如理修行爲家

法 頌曰

浪宕樓頭無藉在零丁利帝可憐生惡又聚是此中入佛子住非他處成

北闍簡

增華嚴經偈如有大經卷量等三千界在於一塵中一切塵亦然有一聰慧人淨眼悉能見破塵

出經卷廣饒益衆生 頌曰

擬破一微塵分明昧此經如何破經卷出此一微塵

北闍簡

舊華嚴經我今普見一切衆生具有如來智慧德相但以妄想執著而不證得 頌曰

天蓋地載成團成塊周法界而無邊柝隣虛而無內及盡玄微誰分向背佛祖來償口業債問取南泉王老師人人只喫一莖菜

天童覺

增

華嚴經法界觀法身流轉五道名曰衆生故令

衆生現時法身不現 頌曰

佛真法身抵死謾生自沽村酒自把磁瓶却著衫來作主人

增

楞伽經五法三自性二種無我 頌曰

北闍簡

佛真法身抵死謾生自沽村酒自把磁瓶却著衫來

破餅豈復作餅事焦種不因生蘖牙如彼靈空槃大
子毛輪垂法翳花開

鼓山圭

陝府鐵牛白癩嘉州大像耳贖兩箇病痛一般咄哉
漆桶不快

增
般若心經是大神呪是大明呪是無上呪是無

等呪能除一切苦

頌曰

黯淡灘黯淡灘十度船來九度翻唯有三山陳上舍
擔一柄傘岸上行奈我何

無準範

是大神呪四大六根元不有是大明呪三世十方無

透漏是無上呪海印圓光明已久是無等等呪士農

工商各成就何故去年梅今歲柳顏色馨香依舊等
間勘破悟桃花選_菩法身藏北斗

或菴體

禪宗頌古聯珠通集卷第五



宜興居士曹師儉施賛刻此
禪宗頌古聯珠通集第五卷 著章沙爾德定
長洲徐普書 漢水端本澄刻
萬曆丙申季秋徑山興聖萬壽禪寺識

五

頁三

鄭宗與古樂和服祭於諱正

聞其聲言水亦霤其去良鄉北九

史記

漢書

三十六